


B. N. C
FIRENZE
1066
14





1066 14





1065. 16

S. JEREMIÆ,
VIRGA
VIGILANS
ET
OLLA SUCCENSA

Occasione

Terribilis nuper visi

COMETÆ,

proposita, & illustrata

à
JOH. HENRICO URSINO.



NORIMBERGÆ,

Sumptibus Hæredum JOHANNIS
TAUBERI.

Typis CHRISTOPHORI GERHARDI.

ANNO M. DC. LXV.



W. R. G. A.

W. R. G. A.

W. R. G. A.

COMMITTEE

W. R. G. A.

W. R. G. A.

W. R. G. A.

W. R. G. A.

W. R. G. A.

W. R. G. A.

W. R. G. A.



A & Ω.

P R O O E M I U M.

I.

Gladium vindictæ justus sce-
 lum ultor D E U S triplici modo
 gestare perhibetur : 1. *In vaginâ*,
 accinctum femori ; dùm, quamvis
 armatus jam, tamen adhuc patiens,
 peccatorum Conversionem expectat, malens
 ipforum pœnitentiam quàm pœnam, Psalm 45.
 v. 4. 2. *In ore*, nudatum ; dùm bellum palàm im-
 pœnitentibus indicit, & supplicia, quæ sceleribus
 debentur, comminatur, quâ Verbis, quâ signis
 terribilibus : quæ tubæ instar creaturas in prælium
 adversus rebelles excitant & ad arma vocant ; quæ-
 dam q. *Cæli Lingua*, ut Stellam Magorum Ducem
 appellavit S. Augustinus, Apoc. i. v. 16. cap. 19.
 v. 15. Denique 3. strictum & acutum *vibrat ma-
 nu*, cum jam inexorabilis quodammodò furit, &
 implacabiliter fecit obvios quosque :

Namq̃, injustorum justos mala ferre necesse est,
 ut est apud S. Prosperum, Psalm. 7. v. 13. 14. Deut.
 32. v. 40. 41. Ezech. 21. v. 9. & antè 3.

2. Ea verò perditorum hominum socordia & securitas est, ut neque paternis blanditiis se duci, neque severis comminationibus flecti, neque horrendis suppliciis frangi patiantur; dùm tandem planè efferentur, brutescant, & in exitium, quod merentur, eant præcipientes. Ità iisdem mediis quibus boni meliores fiunt, mali evadunt peiores:

*Limus ut hic durefcit, & hac ut cera liquefcit,
Uno eodemq; igni!*

3. Neque hoc impiis accidit sine tremendo, sed iusto, DEI iudicio: Verè enim dictum est; *neminem celerius opprimi, quàm qui nihil timeret, & frequentissimum instium esse calamitatis, Securizatem.* Scilicet cùm fata jam prævalent consiliis, omnemq; animi aciem præstinguunt: Quippè ità se res habet, ut plerunq; quibus fortunam mutaturus est DEUS, consilia corrumpat, Vellejus Patere: l. 2.

4. Nostra tempora nec accusare, nec deplorare libet. Utrumque vulgare & tralaticium est: nulliq; hîc disertiores sunt, quàm qui non vident id mantica quod in tergo est. Qui nuper in cælo fulsit Cometa, quamvis terribili face omnes ferè gentes, spectatoresq; toto orbe adverterit & affecerit; tamen à plerisque jam susque deq; habetur: nec desunt qui omnes artes advocant, ut doceant hæc naturæ abortantis portenta contemnere. Neque vituperandi essent, qui inveteratæ forsitan superstitioni cuperent opponere remedium; nisi quo collyrio oculos parant ad acutiùs cernendum

dum inungere, eodem omninò extinguerent, & ut veteri verbo dicam, *elucifcarent*.

5. Absit à Christianis mentibus profana vanitas. Non metuamus *Cæli signa*, uti qui non metuunt DEUM, Mundi fabricatorem & judicem. Tūtiores tamen sunt qui timent dubiâ mente, quàm qui temerè feruntur securâ. Naturam magistrâ de talibus possumus rejicere; quia tacet; & non audire experientiam; quia fallax, aut incerta est: Quid Divina Oracula? quæ & clamant, & neque falli possunt, neque fallere? Quid deindè rerum nostrarum quis status, temporum quæ conditio sit, an ignorare possumus, ut pueri? aut non videre, ut cæci? Nihil mali prænuncient isti in Cælo ignes, si nihil est, quod jure metuamus: imò aliquid boni, si quidquam sperare audemus.

6. Verùm, ubi Divina extant de Cometis Oracula? Dicam, cùm priùs de *Geminâ S. Jeremie Visione*. Hanc videre DEumq; audire interpretem, operæ erit pretium. Postea statuât quisque quod animo allubescet: Suum cuique pulchrum, mihi meum. Eventus judicium comprobabit.

VISIO S. JEREMIÆ,

Cap. I. v. II. & seqq.

7. Versio vulgata: *Et factum est Verbum Domini ad me, dicens: quid tu vides Jeremia? & dixi: Virgam vigilantem ego video.*

v. 12. Et dixit Dominus ad me ; Benè vidisti : quia vigilabo ego super Verbo meo, ut faciam illud.

v. 13. Et factum est Verbum Domini secundo ad medicens : Quid tu vides ? & dixi ; ollam succensam ego video, & faciem ejus, à facie Aquilonis.

v. 14. Et dixit Dominus ad me ; ab Aquilone pandetur omne malum super omnes habitatores terræ.

v. 15. Quia ecce Ego convocabo omnes cognationes regnorum Aquilonis, ait Dominus, & venient, & ponent unusquisq; solium suum in introitu portarum Jerusalem, & super omnes muros ejus in circuitu, & super universas urbes Juda.

v. 16. Et loquar judicia mea cum eis, super omnem malitiam eorum, qui dereliquerunt me, & libaverunt Diis alienis, & adoraverunt opus manuum suarum.

Hanc interpretationem cum fontibus & aliis versionibus, inter explicandum, conferemus, compendii gratiâ.

8. Præmitto autem, oblatam visionem istam Prophetæ nostro in ipso vocationis Divinæ initio : Anno scilicet Regis Josie XIII. quo ipso Nabuchodonosor M. Babyloniorum Rex, junctis cum Prolocero Cyaxare Rege Medorum, cujus Neptim in matrimonio habebat, viribus, Nineven Assyriacæ Monarchiæ Metropolin, cepisse, & tandem evertisse post annos aliquot, fertur : vide quæ ex diversis Chronologis dixi, in Isagogâ p. 169. 170. & h. l. Cornel. à Lap. Illud indubium, incidisse hanc visionem

sionem in primordia surgentis Monarchiæ Baby-
lonicæ, quam DEUS ideò voluit suscitare &
extollere, ut fastum & insolentiam Regni Judaici
deprimeret. Evénit hoc annis pòst XL. occupa-
tâ à Babyloniis Hierosolymâ. Hic visionis nostræ
fuit eventus.

9. Eam, ut per partes explicemus, considera-
bimus 1. *Materialiter*; Quid viderit Propheta?
2. *Formaliter*; quo fine? & quæ visionis significa-
tio fuerit?

De PRIMO: Quid vide- rit Jeremias.

Duo indicantur; inter se tamen, ut fine & signifi-
catione, ità & tempore ac loco conjuncta; *Virgam*
primò *vigilantem*; ollam deindè *suscensam*, vidisse
ait.

10. Virga vigilans in fontibus Hebraicis
est, מקל שקר *Makkel Schaked*. *Makkel* propriè
Baculus, voce videlicet non abluente ab Hebræâ,
M. cum *B.* ejusdem organi elemento permixtato, ut
ait Marinus in Arcâ Noæ. Avenarius conjicit
per literarum Metathesin hinc dictum *Calamum*.
Derivari videtur à *Kalal*, q. d. baculum *levem*, qui
manus gestantis non oneret, aut & *lavem*, *laviga-*
tum, politum: quales sibi è lignis decorticatis fa-
ciebant *pastores*, Gen. 30. v. 36. 1. Sam. 17. v. 41.
Zachar. 11. v. 7. &c. Ponitur etiàm pro baculo,
Viatorum, Gen. 32. v. 10. Exod. 12. v. 11. *equitan-*

tim, Num. 22. v. 27. & pro *Sceptro Regio*, Jerem. 48. v. 17. cum epitheto, *baculus gloria*. Quid inter sit inter, מטה *Matte*, פלך *Pelech*, שבט *Schebber*, יעשה *Mischan*; quibus scire nominibus ista gestamina manuum, quæ vel dignitatis insignia, vel gressuum fulcra, vel defensionis, aut aliorum instrumenta sunt, ab Hebræis appellatur, inquirere non est hujus loci:

11. Epitheton baculi *Schaked*, à radice *Schakad* festinavit, sedulus fuit, maturavit, vigilavit, varias admittit interpretationes: propriè *amygdali* nomen est, ut dixi *Arboreti Bibl.* cap. 31. ubi de h. l. *Jeremix*. Hinc LXX. habent Βακινείαν καρυῖνν, Theodotion, ἀμυγδαλίνην, *Aquila* & *Symmachus*, γρηγορεῖσαν, ut *Vulgatus*, *Vigilantem*. Cætera mox dicam, & expendam.

12. Venio ad ollam succensam: סיר נפוח *Sir naphuach*, Hebr. *Sir* vas coquinarium rotundum significat, in quo ad ignem admoto, carnes & pulmenta coquuntur. *Vulgatus* *ollam* & *Greci* λίβητα habent. *Levitæ* 2. *Paralipom.* 35. v. 13. dicuntur coxisse, *sanctificata*, hostiarum carnes, *Basiroth*, *ubaddvadum*, *ubazzelachorb*, in *lebetibus*, *cacabis*, *ahenis*, *ollis*, *caldariis*, &c. LXX. habent ibi χαλκεία καὶ λίβητας: hic verò λίβητα ὑποκαίμενον. Vocabulum tamen *naphuach* propriè indicat, *exsufflatam*, quod quidam *ebullientem*, *ferventem*, vertunt: *Emphasis* est in Hebræo: q. d. ollam aheneam, circumdatam flammis, easq; quæ undique eructantem, ut fit, cum vehementi flatu inspi-

inspiratur. Causa ponitur pro effectu, ut Jobi, 41.
v. 12. Esa. 54. v. 16. Ezech. 22. v. 20.

13. Hinc colligo vidisse Prophetam nostrum
in cœlo

COMETAM.

Quod ut obtineam, 1. præmitto; *visionem hanc non fuisse imaginariam, sed externam, sensibilem, oculis ipsius objectam*; quomodo Moses vidit Rubum ardentem, Exod. 3. v. 2. Verba clara, bis vidisse, significant. Neque ulla apparet ratio, cur à propriâ verbi, *videre*, significatione recedendum sit? Imò contrâ est, quod à certo cœli cardine vidisse advenientem ollam dicitur. Quid opus erat, ut imago hæc in imaginativâ efformaretur? aut quomodo depingi potuit? quàm multa hîc addenda & inferenda verbis Prophetæ, ut hæc per imaginationem oblata intelligantur? Scilicet: & cum Dominus imaginationi meæ formam, primò baculi, deindè ollæ, impresisset, sive per semetipsum, sive ministerio angeli alicujus factum est Verbum ejus ad me, dicens: Quid vides? id est, oculis feriantibus & otiosis, quam imaginem animo concepisti? vel ut apud Ghislerium est; *quidnam est illud, quod Prophetarum more imaginariâ visione intueris?* aut ut apud Castrium; *ostenso spectro, hunc ad me sermonem fecit Dominus, &c.* Talia interponere nulla urget necessitas. Potuit enim videre oculis corporeis, ut cœlum ipsum, verso vultu in Aquilonem; imaginatione non potuit; nisi Cœlum quodque & terra, oculis à sensu ab-

ductis, animo per spectrum representarentur. Verum etiam finis visionis & utilitas persuadet, vidisse quod verè visibile esset, & ab aliis quoque conspici posset, ac deberet. Vidit enim non sibi, sed universo Populo. Itaque quod Ghislerius habet in Paraphrasi: *Enarra amodò, quid singulariter videas, quod ab aliis minimè cernitur: Tu instar totius Judaici populi oculus intuens, quæ illi imminuant, expone, quod cernis, ut quantum in te est, id ab eis evitari queat*: partim accipio, partim respuo. Accipio; Prophetam, *Videntem* scilicet, quod Prophetarum proprium nomen est, totius Populi in hac visione oculum fuisse, ut & ad videndum adverteret securos, & visum ipse divino oraculo interpretaretur: Solum vidisse, neque verba indicant, quibus nisi cogat necessitas, nihil addendum est; & finis refutat. Frustrà puto vidisset, si sibi soli. Nam si in ipso muneris sui exordio, spectrum tale vidisse narrasset, somnium narrasse creditus, fidem apud præfractum populum nullam invenisset. Novo igitur prodigio de cælo, Prophetæ firmata erat auctoritas, oculisq; prius apertis aures erant contumacibus referendæ, animusq; ad attentionem excitandus. Accedit ratio ab ipso visionis tempore: Nam eo ipso anno Rex Josias in eam curam seriò incubuit, ut eversis idolis, destructisq; sacellis, avitam religionem restitueret, 2. Paralipom. 34. v. 3. & seqq. Sed & circa hunc articulum temporis surgebat nova Babyloniorum Monarchia, exitio regni Juda. Has regno-

rum

rum mutationes prodigiis prænunciari solere quis nescit? Et si nulla tunc temporis conspecta fuissent; nihil insolitum, visuq; horrendum, mentes exterruisset; quis prudenter Prophetæ credidisset, visa sua narranti, ultimamq; cladem minitanti regno, quod, tam pius & de pietate tam sollicitus, Rex tùm administrabat? quem, nisi mors cruenta rebus humanis exemisset, aureum quoddam seculum in Judæam reducturum, quis non sperasset? Quid? quod in Novo Prophetâ, homine adhuc juveni, nihil reperiebatur, quod aliquam auctoritatem ei conciliare posset, apud auditores, in primis in summâ dignitate constitutos. Itaque, quod & aliâs fecit Sapientissimus juxtâ ac optimus, Maximus DEUS; insolito aliquo signo præparandi erant animi, nondùm planè obdurati, ut fidem dicenti haberent, pœnasq; pœnitendo si non omnes, tamen æternas evitarent. Ita *Hosea* Prophetæ mirabile connubium, pestis locustarum tempore *Joëlis*, *Amos* terræ motus, quæq; spectra Regibus Babylonis tempore *Danielis*, dormientibus aut vigilantibus, oblata fuerunt, animos excitârunt & crexerunt, ut rebus præsentibus admoniti, post facta, Verba DE I admitterent, aut si spernerent, nullam postea excusationem invenirent. Quamobrem itâ censeo; visionem hanc fuisse sensibilem, nec à solo Prophetâ conspectam: idq; & vero similis, & suavi providentiæ divinæ rationi esse convenientius. Quod & PP. Græcis placuisse, audiemus.

Segnius

*Segnius irritant animos commissa per aures,
Quàm qua sunt oculis subiecta fidelibus.*

14. Jam quod Cometam viderit 2. probo: 1 per ἀνακρινὸν aliarum interpretationum. Nam edisserat nobis aliquis, quomodò potuerit videre baculum aut Virgam vel vigilantem, vel festinantem, vel nuceam, aut amygdalinam? Audio Hebraizantes; visam fuisse *virgam amygdalinam*, quod *amygdalus prima floreat, fructumq; maturet*, quâ de re dictum fatis in Arboreto cap. 31. cit. Audio Græcos; *Virga amygdalina celeritatem vindictæ indicat*: floret enim hac arbor ante alias, sic Theodoretus h. l. sed cur *nucea* dicitur? *Quia lignum hoc* εἰρηδὸν καὶ βερὺ, καὶ πληκτικόν, ut Severus in Catenâ, & Olympiod. aut quia *nux naturâ suâ vigiliæ inducit*, ἀγρυπνίας ποιντικὸν ἰστί, idem. Sic Cyrillus Alexandrinus: *nuceam Virgam capiti suppositam vî naturali efficere vigilantiam*, l. 10. de Adorat. Audio Hieronymum; *Quomodò Nux, sive Amygdalus, amarissimum habet corticem, & testâ durissimâ cingitur, ut detractis ansterioribus & duris, fructus dulcissimus reperiatur*: Sic omnis correptio, & labor continentia, amara quidem videtur ad præsens, sed fructus paris dulcissimos. Hæc quidem ita sunt; Verum cum certum sit apud omnes; non baculum verum, sed formam baculi visam, rogo; quomodò potuerit Propheta nuceumne, an amygdalinum viderit discere? aut materiam discernere? Hic nihil apud Interpretes invenio: nisi quod Ghislerius animo advertit hoc quæri posse, & Paraphrasin

raphrafin sic instituit: *Video Virgam absq; ullo vel
florum, vel foliorum decore: imò ita atram & aspe-
ram, ut gravem illam appellem baculum nuceum, ad
percussionem paratum: quam & ita celerem suā ipsa
denunciat vibratione, ut & amygdali illam dicam.*
Sed hâc ratione non vidit ille baculum nuceum,
aut amygdali; verùm talem, quem ipse utroque
nomine appellavit, cùm ex neutro esset ligno.

15. Esto tamen, viderit aliquid baculo sive nu-
ceo, sive amygdalino simile, potueritq; tam accu-
ratè cognoscere, cujus ligni esset? Quonam mo-
dò verò vidit vel *vigilantem*, vel *festinantem*?
Hugo Cardinalis, *Virgam vigiliarum aut Vigilanti-
um* intelligit *Uncinum Latronum*, quo de nocte *Vi-
gilantes dormientium bona per fenestras extrahunt:*
ut Judea exspoliatio significetur: quod refellit Lyra.
Maldonatus notat, non potuisse quosdam intelligere,
quomodò *Virga* vigilare conveniat? Quare ipse ex-
plicat; *Virgam visam Vigilantis DEI: aut Vigilanti-
sem, id est, nimis manè surgentem, nimis festine ger-
minantem.* At hoc est nodum nodo solvere. Re-
currit enim quæstio: Quomodò vidit ille *Virgam*
nimis manè surgentem? aut undè cognovit, esse
de ligno nimis festinanter germinante?

16. Viegas apud Cornel. à Lap. h. l. *Vigilan-
tem* exponit *oculatam, vel oculos apertos & vigiles
habentem.* Sic ajunt Egyptiorum Hieroglyphico
DEUS significabatur baculo aut sceptro, cui in-
sculptus, aut impositus esset oculus: quod & Castrius
adfert. Eleganter, si modò Propheta assentiretur.

At

At quid ab ejus verbis remotius? Ergò Ghislerius putabat, *visam hanc Virgam in manu D E I*, meritoq; *dictam Vigilantem*, quod *extensa visa esset*, & *Vibrans*, aut ut vertit Vatablus, *imminens*. Neque aliter tandem Cornel. à Lap. qui refert ex Theodoro, Simeoni Stelitz similiter in visione conspectas duas Virgas, Cœlo delapsas; quarum altera in Orientem, altera in occidentem lata, Persarum Scytharumq; impressionem in Imperium Romanum præsignaverint. Mitto ejus generis alia, quæ operose refutare velle, otio abutentis esset, & operâ. Placet quod concludit Cornelius: *Hæc ergò Virga vigilans ostensa Jeremia, fuit similis ostento, vel portento Cometa, qui specie Virga aut gladii apparens, pestem, bellum, & vastitatem, quasi index ira D E I portendit hominibus*. Ego tamen non similem, sed omninò Cometam fuisse.

17. Probo 2. per *καλασινών*: Neque nunc utar conjecturis, ex historiis de Cometarum ortu & eventu petitis: quod ante Regnorum, in præcipiti stantium, ruinam, novorumq; exortum, sæpè visi fuerint Cometæ, quibus inde agnomen datum, ut dicti fuerint -- *mutantes regna*. Hanc antiquissimam fuisse Sapientum persuasionem Bileam Magus testari videtur, dùm prædicat: *exorituram Stellam ex Jacob, & Sceptrum ex Israël*, Num. 24. v. 17. Sanè Messiam, Stellam illam Matutinam, præcescit Stella, Lux & Dux Magorum, natum mundo Regem significans, qui omnia hostilium Regum imperia sibi subjecturus esset. Verùm de his postea.

18. Nunc

18. Nunc uno utar hoc argumento; quod hæc Sententia, per se non absurda, imò probabilis, ità comparata sit, ut optimè Verbis Prophetiæ consentiat, & omnes Versiones conjungat & conciliat. *Explico igitur & applico.*

Jeremias à D E O *sanctificatus*, excitatus, & ad Sacrum hoc ministerium segregatus, jussus edicere, quid oculis videret suis, in cœlesti regione objectum ad contemplandum? cùm oculos per Cœli plagas circumduxisset, ab Aquilonari parte conspexit exorientem Cometam, primò caudam suam supra Horizontem terris ostendentem, motuq; celerrimo tendentem versus Hierosolymam: Paulò post iterum, jussu D E I, ad hoc prodigium conversus, ipsum crinitum ignibus corpus, jam in cœlum proVectum, supra Horizontem spectavit.

Figura caudæ similis visa fuit *Baculo*, & quidem *amygdalino*, sive quod LXX. habent *nuceo*: nam & Amygdali pomum nux est, & sunt arbores cognati generis. Ideò autem *amygdalino*, quod ejusmodi baculi *insigne* essent, quod gestare solebant in Judæa *Principes Tribuum, & Populi Judicæ*. Probatum dedi in Arboreto cap. 31. & colligitur ex Num. 17. v. 6. 8. ubi Cyrillus in Catenâ Zephyrini: *Quod è Virgâ Aaronis eruperint amygdala, multò magis congruum fuit, quàm si nuceæ alias, aliòve fœtus Virga tulisset.* Erant enim omnes *Virgæ amygdalinæ*, de more ejus gentis. Ex eâ enim arbore potissimum scipionibus utebantur, qua Symbolum *generis Vigilantia*, quod ex h. l. Jeremiz confirmat. Simi-

Similis mos alibi gentium fuit, ut magistratus gestarent baculos, ut in Arboreto dixi. Sic *Centurio- num in manu vitis, quæ etiam in delictis pœnam honorabat*, Plinius l. 14. cap. 1. quod Romanos cives non alio fuisse fas esset cedere. — *Latiaq; superbum Vitis adornabat dextrâ decus*, Silius, 12. vide Alex. Neapol. l. 6. Genial. cap. 18. & ibi Tiraquell. contra *baculo castigati servi*, ut apud Frontin. 1. Strategem. cap. 1. num. 3. &c. Unde apparet, cur Prophetæ dixerit, se videre *baculum amygdali*, gestamen notum Judicum, eumq; & festinum & imminuentem, ac q. in pœnam Vigilantem, maturè germinantem, & ad feriendum expergefactum? At *corpus Cometa* cavum, rotundum, undiq; ignibus circumdatum, potuitne aptius comparari ulli rei, quàm *olla ferventi æenea*? ostendam pluribus, cum de Cometis ipsis agendum erit.

19. Quid ob stare possit, equidem nondum video. *Nova* videbitur hæc sententia: sed non est; placuit & aliis, displicuit nemini. Veteres de sensu allegorico, aut tropologico solliciti, de historico parum dixerunt, nec nostro contradixerunt. Pro nobis tamen facit, quod ajunt, hæc ideò per visio- nem exposita fuisse, quod τῶν πραγμάτων ἡ ὄψις τῶν λόγων ἵνα πρὸς ἑαυτὰς rerum ipsarum intuitus evidē- tior sit quàm Verba, magisq; mentem percellat, ut Theodoretus h. l. & Olympiodorus in Catenâ. Vidisse ergo oportuit, non Prophetam solum, nec tantum per imaginem in animo expressam; sed etiam Populum, quem unice verbis factisq; per- celli

celli conveniebat. Vidit ergò hic quoque ostentum: quodnam? si non Cometam? Nam quod fortè dicat aliquis, *distinctas res visas Propheta, & non unam*; Virgam puta, & deindè ollam: & sic à Pictoribus visionem hanc depingi: frustra est; nam & cauda atque Cometæ corpus distinctæ res sunt, neque enim illa hujus vera pars est: & utramque eodem loco ac tempore, distinctè tantùm, intuitus est Propheta; quod cauda prior exorta esset, corpore adhuc latente: Tùm nec illa verè baculus aut Virga, neque hoc olla fuit; sed ex impositione Prophetæ propter similitudinem sic dicebantur.

Deniq; --- pictoribus atq; Poëtis

Quidlibet audendi semper fuit aqua potestas.

20. Quæ cum ità se habeant, possumus ex hac visione contemplari

SACRAM de Cometis

Physiologiam.

Equidem cum Tertulliano *adoro Scriptura plenitudinem, quæ mihi & factorem manifestat & facta*, adv. Hermogen. cap. 22. soleoq; non rarò & nostræ irasci ignaviæ aut negligentiae, & detestari quorundam impietatem: nam neque opera DEI ex ipsius ore investigamus, & sunt, qui in iis quæ naturæ sunt, DEUM ipsum testem refutent. Aristoteles fortassis melius novit, quæ DEI sunt, quàm DEUS ipse. *Natura Magistra est, animæ discipula: quicquid aut illa edocuit, aut ista perdidit*

B

est,

cie, à DEO traditum est, Magistro scilicet ipsius Magistros, Tertull. de Testimon. Animæ. Audiamus igitur hanc, sed & istum ipsum. Non possunt discordare: quod altera non poterit edocere, docebit alter: & quod hic reticebit, illa fortè expromet, sed non sine isto.

21. De COMETIS, præter ea, quæ oculis ducibus indagavimus, pauca naturâ monstrante assequuti sumus. Causarum, propriarum & proximarum, in profundo Democriti puteo abdita latet veritas. Neque satis DEUS adhuc scire voluit, ut ignorantia nostræ conscii, caveremus scrutari supercœlestia, quibus nec huc quidem usque pervenire concessum sit. *Furor est, profectò furor, egredi ex hoc mundo, & tanquàm interna ejus cuncta planè jam sint nota, ita scrutari extera, ut piè dixit homo non valdè pius, Plinius l. 2. cap. 1. Quia tamen hoc quòque opus suum, non minimum spectaculorum cœlestium, adspicere & nosse nos voluit DEUS; quod Natura vel negavit, vel occulit; quantum satis erat, & nostrâ scire intererat, Verbo tuo manifestavit.*

22. Ac de causis quidem Cometarum nihil statui potest; nisi de loco ortus prius constiterit. Illud autem tandem ferè definitum est: alios esse aërios, & sublunares; alios aethereos, & Lunâ superiores. Nam Aristoteles quidem omnes in supremâ regione aëris locavit: Astronomi verò, secuti veteres quosdam ante Aristotelem, quos ipse refutare nititur, 1. Meteorolog. cap. 6. in ipso æthere, & quidem

dem *Tycho Brachaus* omnes, ut apud *Vossium* 3.
de Idololatr. cap. 9. Sic *Cardanus* apud *Scalige-*
rum Exercit. 79. *In cælo esse necessario*. Experien-
tia docuit ut ubique generari posse, ut docet *Vos-*
sus l. cit. Mitto argumenta & testimonia plura;
non enim hoc ago. In aëre natos exempla docent,
quæ affert *Fromondus* & repetit *Senguerdus*: In
Cælo ipso, & quidem aplane, inter stellas Fixas
produci posse Novas stellas, argumento est, quæ
in Cassiopeâ ferè biennio visa fuit, Anno 1572. &
concedunt miraculo productam Connimbricenses.

23. Quid S. Literæ? Hoc invenio; argumen-
ta, quæ Aristotelici proferunt, cur nulli Cometa,
nullæ novæ stella in Cælo generari possint? dissolviss-
se. Primum est, quod Cælum sit adeo æternum,
ut tales transmutationes subire nequeat: nihil er-
gò illic generari per naturam, nihil corrumpi pos-
se: alterum; quod nova ista sidera generari ne-
queant, nisi partes Cæli aliæ rarefiant, aliæ con-
densentur: hoc per naturam non esse possibile;
eò quod Cælum non sit natura fluida, sed con-
sistentis & solidæ; ita Connimbr. 1. de Cælo cap.
3. pag. 47. m. Utrumque Scriptura negat, quæ
nobis & liquidos describit Cælos, & corruptioni
obnoxios, quod argumentum *Cornel. à Lap.* tra-
ctat in *Esaï.* cap. 34. v. 4. & in 2. *Petr.* 3. v. 10. ubi
rectè: *Aristoteles sequi potius S. scripturam debet,*
quam præire: operosè idem probat *Caramuel* in
Philosophiâ l. 3. pag. 188. & deinceps, imprimis ex
consensu omnium ferè, præter Aristotelem, Sa-

piendum. Conclusio est: Sit igitur ratum & certum, Caelos esse pervios & corruptibiles; & tandem; viderit igitur sincerus lector, utri debeat opinioni subscribere? an illi quam propugnant Ecclesia Romana (imò universæ) Patres, doctores veteres, & viri quoque Theologi; quam Philosophi suadent, demonstrant Mathematici, & Sapientia floridioris Professores exornant? an illi, quam Veteres sugillant, juniores notant, & rationes robustissima expugnant? Neque pluribus hîc opus est.

24. Jam ærios ex Elementari materiâ constare, vereque ardere igne elementari, sed subtiliore, plerique concedunt. De iis qui in ipso aethere apparent, lis est fortè nunquàm componenda: an oriri possint ex vaporibus elementaribus eoque elevatis? Quæ sanè Stoicorum & aliorum opinio fuit; ex cælo & terrâ omnibus etiam stellis alimenta dividit, ut dixit Seneca: de quâ multa Lipsius Physiolog. Stoicor. l. 2. Dissert. 14. An ex aurâ ipsâ cælesti condensatâ? aut ex iis nebulis, quas ipsa corpora cælestia evaporant? quod quidam ex diversis Lunæ in deliquiis apparentibus coloribus, ex Solis maculis, ex nubilo quod in orbem Jovis planetam circuitu suo cingit, & aliis confirmant. Quanquàm istæ opiniones non adèò videantur pugnare, ut conciliari nequeant. Notâ est sententia, omnia elementa ex se invicem generari, per rarefactionem & condensationem: itâ ut venustè Ancreon;

*Et Terra nigra potat,
Potantq; Ligna terram,*

Potantq;

*Potatq; Pontus auras,
Sol potat ipse Pontum,
Ipsumq; Luna Solem:*

Terra igitur rarefacta alit aquam; hæc ærem; ille ignem; id est æthera; æther corpora stellarum: & vicissim hæc vapores aliquos exhalant, qui condensati descendunt, augentq; ærem, ut hic aquam, & hæc terram. Mirâ & suavi divinæ Providentiæ ratione? — *alterius sic*

Altera poscit opem reâ, & conjurat amicos
Atque hæc est illa *Carena Homérica*, aut potius Prophetica, indicata Hoseæ cap. 2, v. 21. 22. Nec adeo absurdi vetustissimi sapientes Ægyptiorum, qui teste Lucano l. 10.

— *Oceanopasci Phœbumq; Polumq;*
crediderunt. Credidit etiam Ambrosius, 2. Hexæm. cap. 3. ideoq; Solem frequenter *madidum & rorantem* adspici; hancq; esse causam, quod mare falsum sit; *quia quod purum & leve est sibi, rapiat, quod verò grave atq; torrenum relinquat.* Sanè Physici, qui falsedinem mari à Creatore inditam statuunt, non negant eam augeri & conservari à Sole, quod tenuiores & dulciores vapores educat: itaq; æstate & sub Zonâ torridâ falsius esse. Sed hoc agamus.

25. Noster Cometes in quam Classem referendus sit? nescio an quis divinando queat assequi. Si Soli Judææ minacibus flammis imminerebat, quod innuit Propheta, *elementaris* fuit. Quod si cæteris quoque per Asiam, & Africam regnis,

cladem & ruinam eam, quam à Babylonicâ Monarchiâ debebant expectare, præsignificavit, alius euectus fuerit oportet, ut & illis immineret, & supra vertices illucesceret. Atque hæc de materiâ satis; quæ & S. Scripturæ, & rectæ rationi bene conveniunt.

26. *De Causâ Efficiente* Ratio sibi relicta nihil certi exsculpere potest. Etenim quamvis concedatur Cometas ex Vaporibus vel aëriis, vel æthereis coalescere, vel quod idem est, ex igniculorum atomis in unum corpus coire & condensari; tamen quæ causa sit condensationis, quæq; formam multiplicem, coloresq; varios effingat, locum designet, motum cieat, tempus determinet, ratio ex principiis naturalibus firmiter vix unquam demonstrabit. Quotquot hoc aggressi, tandem intellexerunt, se in Labyrinthum inexplicabilem ingressos, undè vestigia relegere nequirent: Itaque fatentur tandem, multa hîc naturæ arcana adhuc latere, neque populum ejus à quopiam resectum esse. Quare, ut in Cœli siderumq; motu, ad Intelligentias, DE I ministras, & DEUM ipsum Primum Motorem, recurrendum fuit, de quibus D. Jacob. Martini l. 2. Exerc. Metaph. 3. pag. 580. & seqq.

27. S. Scriptura innumeris locis, et si naturales causas non negat; DEUM tamen hæc talia, ut fulgura & fulmina, ventos & turbines, nubes & pluvias, ex abditis suis thesauris, ex armamentariis suis, producere affirmat; quod peculiari quâdam ratione tam in efficiendo, quam in gubernando concur-

concurrat, his maximè rebus maiestatem & gloriam suam manifestans. Quà de causâ etiam Cleantes, inter quatuor causas, quibus dixit in animis hominum informatas esse DEI Notiones, hanc posuit, quæ terreret animos fulminibus, tempestatibus, &c. tum facibus visis cælestibus, & stellis iis, quas Græci Cometas, nostri crinitas vocant, quæ nuper bello Octaviano magnarum fuerunt calamitatum prænuncia, ita Cicero 2. de Nat. DEor.

28. Quare, quanquam naturæ vi Cometas, maximè elementares, citra miraculum, existere posse, concedamus; tamen ad eorum figuram, motumq; planè extraordinarium, ipsumq; tempus generationis ac durationis, divinam virtutem effectricem, ac motricem concurrere, exemplis docet S. Scriptura, & experientia confirmat, Christianiq; Philosophi agnoscunt, ac prædicant. Quicquid fuit, quod Jeremias vidit, ab Angelis, Divinâ voluntate, effectum, motumq; fuisse, negari nequit. Sed & stella illa quæ Magis ad Christum præluxit, quam ex naturalibus principiis productam nulla vetat ratio, non potuit istum in modum moveri, & quiescere, nisi Angelî ministerio. Si nescis veram huius puori Deitatem; attende stellam in cælo fulgentem, Magos præcedentem, & iter ignorantibus ostendentem. Hæc stella nunquam antè apparuit; quia nunc eam Puer iste creavit, & Magis ad se venientibus præviam deputavit, ut ait Fulgentius in serm. de Epiphân. ubi, in Cælo, intellige, in aëre: non enim illa in Cælo fideas vias tenuit, sed homini-

bus querentibus ad Christum viam, usque ad locum in quo natus fuerat demonstravit, Augult. de Temp. serm. 34. Idem affirmandum de Cometâ qui, antè excidium, urbi sanctæ integro anno superimpendisse perhibetur à Josepho, supra urbem ait stetit fides gladio simile, totoq; anno perseverasse Cometam; præmiserat autem Judæos sprevisse prodigia, & velut attonitos, qui nec oculos haberent, neque mentes, DE I edicta insuper habuisse, l. 7. de B. Jud. cap. 12. Sed de his postea, cùm de significatione, ipsoq; fine Cometarum, dicemus.

29. *Species hujus Meteori, ex suis, duæ sunt: alii enim Cometæ ut dictum aërii, alii ætherei sunt; ex figura, triplices vulgò, criniti, barbati, caudati: si motum spectes, plerique moventur quidem; sed & aliquandò sunt immobiles. Sed & coloribus differunt, candidi, rubri, cruenti, flammei, &c. Noster Propheta videtur fuisse aërius: Caudatus, sed corpore ipso non exactè rotundo, in modum ænæ, aut ollæ: nam nec fidere omnia orbis sunt; nec falsus Cleanthes, qui quædam κωροειδῆ esse statuit, apud Stobæum in Eclog. Cavum quoque instar vasis dicti, & pellucidum fuisse, qui radios Solis accipere & in caudam transmittere posset, nihil prohibet. Nam cauda non est pars corporis, sed fulgoris appendix. Cometarum corpus corrotundatur, splendor autem longior, quam cæterorum siderum apparet, Seneca 7. Q. Nat. cap. 26. Qui tamen non tam ab ipso, quàm à Sole, radios suos q. per vitrum trajiciente; quod hoc argum. nro constare ajunt, quod*

quod *semper caudam projicere soleat à Sole averſam*; poſt occaſum Solis, verſum orientem, ante ortum in occidentem : uti quem nuper conſpeximus. Habere tamen *proprium ignem & lumen* diſputant, contra Scaligeri Exerc. 79. neque toto corpore transmittere radios Solis, ſed ſolo q. capite, aut cerebro: unde tanta *cauda varietas*, ut modò elarior, modò obſcurior, modò recta, modò obliqua, nunc ſimplex, nunc biſida aut triſida appareat.

30. De *Figurâ* teſtatur Propheta, *flammeum* ſibi viſum inſtar *olla exſufflata*: quo ipſo indicat *flammanon* viſam ſibi *ſinceram*, nec *tennem*, ſed *multum circa ſe volventem ſumidi arddris*, ut de ſimili Seneca l. cit. cap. 17. *Caudam* verò habuiſſe *baculo ſimilem*, albo, decorticato, rectam & ſimpli- cem; quales ſunt, quos Græci vocârunt *Acontias*, qui *jaculi modo ocysimè vibrantur*, Plinius l. 2, cap. 25. *Motus Terminus à quo*, plaga Aquilonaris, reſpectu Hieroſolymæ; quæ quodammodò ab ortu habebat mare mortuum Orientale dictum; ab occidente, Mediterraneum; à meridie deſertum Pharan & Ægyptum; à Septentrione Chaldæam & Babylonem, juxta deſcriptionem Sacrorum Auctorum: *Terminus adquem*, Judæa, ejuſq; caput & Regina urbs Sancta dicta: terebatur ergò à parte Boreali, quæ inter Ortum & Septentrio- nem eſt, Nordoſten; in partem Meridionalem, quâ ad occidentem vergit, Sudveſten: Et quia caudam huc porrigebat, à Sole ſequenti averſam,

antè lucem summo inanè conspectum fuisse consequens est, ex dictis. Videtur autem Propheta non tantum spectavisse *motum communem*, quo mundus ab ortu in occasum volutus cœlestia secum rapit; sed etiam *proprium celerissimum*, à Septentrione in Meridiem. Nam prior æqualis est, & statâ celeritate absolvitur; hoc verò prodigium festinâsse dicitur. Ratio hujus festinationis nulla certa ex naturâ adferri potest. Nam quod *ignium modo alimentum suum sequutus* hic Cometa, quæ quorundam opinatio est, forè dicatur; nihil est: stare potius debuerat, ubi natus erat, *in Septentrione*, ubi plurimum est *aëris pigri*, crebrioraq; meteoꝛa ignea: vide Senecam l. cit. cap. 21. & quod *de impulsu sideris alicujus dominantis* dicitur, quo Cometa inoveantur, gratis dicitur. Rectè ergò Vossius de Idololat. 3. cap. cit. 9. *Hujus motus quia rationem ignoramus, [nam valdè infirma sunt causa, quas adferunt viri eruditi,] confugiamus sanè, dum certiora se offerant, ad extremam anchoram, ut Angelico ductu ferri credamus.*

31. De Tempore generationis dictum est suprà num. 8. Ortum visumq; anno Regis Josiæ XIII. & quidem, ut modò, *ante Solis ortum* summo diluculo: Si mensẽ, diem & horam nossemus, possemus quoque scire, sub quo signo Zodiaci. De Durationis morâ, & ubi extinctus fuerit ac quando? nihil reperimus. Si vera esset observatio Astrologica, quam Cometa belli Germanici, Anno 1618. prænunciavit, suggeslit, durare & lucere has

has facēs tot diebus, quot annis secutus ē eventus;
 Diebus fortē LXX. visus fuisset: tot enim annis
 vasta jacuit Judæa post excidium Babylonicum;
 Jerem. 25. v. 10. 11. Aliās brevissimum, quo cerne-
 rentur, spatium septem dierum annotatum est; lon-
 gissimum (Centum &) octoginta, Plinius 2. cap. 25.
 Seneca 7. Q. Nat. cap. 21. Verū nec hoc certō
 exploratum est, & causa latet. Nam quod ajunt,
diutius durare qui copiosiore pinguioreq; habent
materiam, ignemq; minus avidē depascentem; de
 Elementaribus fortē an credi posset; ubi & mate-
 ria talis, & ignis pascens: an & in aurā illā athereā?
 Difficile creditu. Nisi Cometas cœlestes pute-
 mus similes, cū nascuntur, stupæ; quæ cū pri-
 mum inflammatur gravitate suā deorsum, mox in-
 censa ignis levitate sursum fertur, cumq; conflag-
 ravit, solos remittit cineres. Qui Solem & side-
 ra ignea dixerunt, nec sine pastu aliquo posse perma-
 nere; non eo tamen igne constare senserunt, quā
 confector est & consumptior omnium: Sed illi simi-
 lem qui corporibus animantium continetur, vitalisq;
 est, ut Stoici apud Ciceronem 2. de Nat. DEor.
 Quod si Cometarum apparentis ignis materiam in-
 cendio absumeret, in cœlo, ut fortē in aëre, hæc q;
 causa esset motus irregularis, quā vena pabuli du-
 aeret, ut apud Senecam cap. 21. l. cit. quod tamen
 ipse improbat; quomodo non totum Cœlum
 consumeretur? illud enim totum ignis cœlestis
 atomis constare, aut plenum esse, ratio suadet;
 quibus ut astra sic Cometæ quoque astrici pascan-
 tur.

tur. Quare ad DEI iterum Providentiam refer-
giendum est; quæ & immortales & mortales stel-
las creat, & has, quousque visum est, conservat.

32. Atque hæc de *Naturâ Cometarum*, & ejus
quem vidit Jeremias: quæ quavis manifestas
olim causas habere possint; nam ut *Eleusis servat*,
quod ostendat revisentibus; ita *Rerum Naturâ Sa-*
cra sua non simul tradit: ex quibus aliud hæc atas,
aliud quæ post nos subibit, adspiciet; Seneca cap. 31.
Tamen tam mirum rarumq; *Mundi spectaculum*,
ut idem Cometas appellat, sine peculiari curâ &
nutu Numinis, nec existere, nec moveri, nec du-
rare, nec deficere, certissimum esse debet. Restat
ut agamus

De SECUNDO: Quæ significatio fuerit visionis?

Hic differendum erit. 1. *An Cometa aliquid signi-*
ficient? 2. *Quid illud, Bonumne an Malum?* 3. *An*
id & unde cognosci possit?

33. De I. Quæstione; *An Cometa sint signa*
rerum futurarum? ita loquuntur quidam, ut in to-
tum videantur negare: Alii ita, ut in affirmando ex-
cedant regulam veritatis, misceantq; urnas super-
stitutiones: Medii distinguunt inter Cometas, &
signa. De singulis aliqua audire Testimonia ope-
re est pretium.

Ac Epicurus quidem, secutus in Physicis, ut
habet Cicero, Democritum, totam hanc de *Meteo-*
ris

ris doctrinam docet unice spectare ad ἀταραξίαν, ut animus vacet perturbationibus; neq; enim vitam vestram opus habere aut stultitiā aut vanā gloriā. ἀτάταξος ἀπορύβωτος ἡμᾶς ζῆν, sed ut tranquille vivamus. Itaq; Μανικὸν insanum ait esse, quod Astrologi vani causas talium frustra reddant, nec Divinam naturam isto absolvant ministerio, in Epist. ad Pythoclem. Itaq; docuit mortales, religionem pedibus subjectam obterere, ut laudat Lucretius l. 1.

Quæ caput à cæli regionibus ostendebat,

Horribili super adspectu mortalibus instans,

Sic Seneca 6, Q. Nat. cap. 3. illud, inquit, proderit, præsumere animo nihil horum DEOS facere: nec irā Numinum aut Cælum concuti, aut terram: suas ista causas habent, &c. Hoc erat solatium quærere, & animis demere religiones, sive vanos metus.

34. Hanc Epicuri causam egit nuper Petrus Gassendus: Hoc, inquit, loco, quid potius usurpem, quam illud Epicureum, μῦθος αἰνέω, Fabula absit! Argumenta profert 1. quod seu præfuerint Cometa, seu abfuerint, fames, bella, catereq; calamitates, omnia pari modo eveniant: 2. Quia Cometa non consistant, aut uni sive domui, sive urbi, sive regioni impendant: 3. Quia superiora illa corpora non optimates potius quàm plebejos respiciant: 4. Quia mista densantur Principum & subditorum funera. 5. Quia quicquid calamitatem affert uni, præstat aliis emolumentum; unius clades, alterius est victoria, &c. Hinc concludit, Cometas non prædicere talia: Ecquid ergo diros, lethales, timendos dicimus Come-

tas potius, quam benignos, salutare, amabiles? Ter-
rifici sunt sed dementiâ nostrâ, qua Panicos sibi terro-
res objicit &c. Eadem ferè dixit Tycho de Brahe, de
Novâ stellâ aut Cometâ Anni 1577. addidit argu-
mentum ab experienciâ, quod multos Cometâs nihil
ejusmodi subsequutum sit: Vide D. Takii Cœli Ano-
malon, Giesse editum Anno 1653. p. 31. & seqq. Sed
& Scaliger Exerc. 79. Sect. 2. Quod queritur; Come-
ta signare sint, an Causa? neutrum censeo. Etenim
existimare à Cometâ Regem interfici, ridicula dementi-
tia est, &c. Intelliget Lector, è quâ pharetrâ tela sua
depromserit, qui nuper questus est, vulgò nos in
Cometas, tanquam malorum omnium causas in vehi,
eosq; q; funebres faces, & infansta sidera horrere: qui
tamen non negat tandem aliquos eorum esse effectus
ad terram pertinentes, de quo plura quæstione se-
quenti. Qui sic sentiunt, videntur peccare in defectu.

35. Alii in excessu: Sic Poëtæ nunquam Cælo
spectatum impunè Cometam: non illum navita tuitò,
ut canit Claudian. 1. Raptus.

Non impunè vident populi, sed crine minaci
Nunciat aut ratibus ventos, aut urbibus hostes
Et Manilius, cum de causis naturalibus & specie-
bus eleganter egisset, tandem ad super naturalem
deflexit:

Seu DEUS, instantis fati miseratus, in Orbem
Signa, per affectus Cœliq; incendia, mittit:
Nunquam futilibus excanduit ignibus æther!

Quæ tamen nescio an quis, nili planè Epicureus,
damnare possit? Cætera deinceps, Neque Plinius
ma!

malè videtur dixisse : Terrificum magnâ ex parte f-
dius esse : at quæ sequuntur, de significatione, & un-
dè ejus ratio sumenda, superstitiosa sunt, suo mox
loco examinanda. Apud Silium l. 8. - *crine cornusco*

Regnorum everfor rubuit lethale Cometa.

Sic ait-tantâ miseris, jamq; impendente ruinâ, non
cessârunt superi vicinas prodere clades. Sic Lucanus
l. 1. - *addita fati*

Pejoris manifesta fides, superiq; minaces

Prodigiis terras implerunt, athera, pontum.

Inter quæ refert-faces-crinemq; timendi

Sideris, & terris mutantem regna Cometam.

Quo pertinet Senarius ille:

ὁ δὲ τοῦ κομήτης, ὅς ἐστι κακὸν φέρει.

Non est Cometa, qui malum non afferas.

In Poëtis tamen laudo, quod totum hoc ad DEUM
referunt. Idq; ex verâ Philosophiâ petatum esse, &
jam ostendi, & nrox repetendum erit. Quod Astro-
logi divinant, vanis nititur hypothefibus, de qui-
bus etiam deinceps.

36. Qui *mediam viam* tenent, i. advertunt,
Signa alia esse primò *Necessaria*, quæ *Τιμήρια* di-
cuntur, & cum re signatâ habent necessariam con-
nexionem, ut causa cum effecto, nisi quid impe-
diat, effectus cum causâ, proprium cum suo sub-
jecto; itâ ignis significat incendium, fumus ignem,
risus hominem: alia *contingentia*, quæ *εἰκότα* vo-
cantur, ut cum dico; pallet, ergò aut stndet, aut
amat: Deindè alia esse *Naturalia*, quæ naturalem
habent respectum ad id quod signant, ut quæ mo-
dò

dò attuli: alia *arbitraria*, quæ ad signandum ordinantur sive à *DEO*, ut Sacramentâ, sive *ab hominibus*, ut hedera vini vendibilis; sive *aliquam* habent *naturalem relationem* pro fundamento, ut iris ad *DEI* fœdus de non immittendo diluvio; nam serenitatis index est: sive *nullam*, ut pilæus libertati, annulus nobilitatis, sceptrum regni. 2. Notant aliter pronunciandum esse de Cometis *sublunariibus*, aliter de *sidereis*.

37. His præmissis rectè affirmant; Omnes Cometas aliquo modo occultorum aut manifestorum, præsentium vel futurorum esse signa. Quod nescio, an quisquam negare possit? Nam sive hos ignes ad manifestas causas referemus, sive ad occultas, & ex parte tantum cognitâ, sive ad *DEUM*; semper effectus signabit causam.

*Sive igitur ratio præsentis semina terra,
Involvens ignes, potuit generare Cometas;
quæ Aristotelis sententia fuit, fieri per ἀναθυμία-
ται:*

*Sive illas naturæ facies sub juncta creavit
Sidera, per tenuis Cœlo lucentia flammæ;
quæ Anaxagoræ & Ægyptiorum, Cometen esse
Σύναψιν Planetarum, aut σύνοδον duarum vel plu-
rium stellarum: nisi fortè in conjunctione Plane-
tarum creari censuit ex atomis cœlestibus, ut su-
prâ dixerat: Esse cunctis permixtos partibus ignes:*

*Seutrahit ad semet rapido Titanis æstu
Involvitq; suo flammantes igne Cometas,
Ac modo dimisit—deniq;—Seu DEUS mittit:
quo-*

Quorum illud Pythagoræis placuit, & Senecæ probatum fuit, esse æterna sidera, sed modò sub Sole abscondi, modò Heliacè q. oriri; hoc verò communis opinio tenuit: semper aliquid significant Cometæ docentq; homines: ut; *esse DEUM*; quod hinc Cleanthes communi notione cognitum dixit:

*Primus in orbe DEOS fecit timor, ardua cælo
Fulmina cum caderent, &c.*

Item, *posse aliquid in cælo nasci, & interire*; non ergò æternum esse: metuendam esse mundi ἐκπύρωσιν - affore tempus

Quo mare, quo tellus, quoq; arduum ardeat æther,
& sic deinceps. Cùm ergò extra dubium esse appareat, *Cometas esse Signa*;

38. *Primò*, quia extraordinaria Mundi spectacula sunt, à DEO producta, cujus sapientia nihil facit frustra: *Deindè* quia omnia cælestia corpora Signa sunt & ab ipsomet DEO dicuntur: *Adhuc* quia tam insolita opera; tam stupendæ magnitudinis, quorum substantiam, & accidentiâ, figuram in primis tam variam, motumq; planè singularem, mirari liceat, non rimari; absurdum est cogitare, nullâ causâ efficiente, nullo fine, nullo effectu existere: *Præterea* quia multorum seculorum experientiâ, talia non frustra extitisse, confirmatur: *Insuper*, quia attentio & formido, quæ spectantur, à rectâ ratione, à naturali quâdam πρόληψι, ab ipso DEO, animis omnium hominum indita: *Denique* quia conspirant omnes ab omni retrò ævo

Sapientes, etiam qui contradicere videntur: Sanè nuperus auctor, citatus suprà num. 34. sub fin. Sic tandem quæstionem concludit: *Equidem existimo, has stellas non sine causâ lucere, cum DEUS & Natura nihil faciant frustra: existimo deinde, earum aliquos effectus ad terram pertingere, ob consensionem & sympathiam, quam habent mundi partes inter se; quemadmodum laborante pede, aut alio membro toti Microcosmo est malè. Ignoro tamen, quales in specie effectus causent, malosne an bonos? Sed & Tycho Braheus hoc tantum negat; ea que statim post Cometarum apparitionem in hoc inferiori mundo subsequuntur, idè à Cometis SEMPER præsignificari, aut effici: hoc qui statuunt, ait, sæpenumero causam pro non causâ assumere: Videtur ergò omninò largiri, aliquando præsignificare, & causas adeò quoq; esse. Sic Gassendus, fieri hoc posse, ut divinitus ad aliquid nobis significandum usurpantur, concedit; hoc tantum negare vult, ut apparet, sciri à nobis posse quid significant: quæ alia Quæstio est, in locum Tertium à nobis seposita, suprà num. 32. extr.*

39. Par est, nos progredi ad Quæstionem secundam; ac inquirere II. *Quid significant Cometa?* nam si vè boni quid si vè mali sit, necesse est signa esse eventuum quorūdam. Hic ut pede inoffenso procedam, præmittam necesse est, **Exempla Cometarum, Testimonia Sapientum.** Si Fromondus ad manum esset, aut Kekermanni Disputatio Extraordin. de Cometis, aut alii, qui fortè

forte talia ex ipsis fontibus auctorum, maximè Veterum, depromserunt, poteram laboris facere compendium. Dabo quæ collegi ipse, quantum satis erit: addent alii aliundè quantum volent.

EXEMPLA COMETARUM.

40. Rectè Seneca dixit, hoc ostentum accuratius contemplaturus, necessarium esse, *veteres ortus Cometarum habere collectos*. Sed mox addit: *Novæ hæc Cælestium observatio est, & nuper in Græciam invecta*: Eudoxus, qui Platoni ætate suppar, circa Olympiadem 103. *primus ab Ægypto hos siderum motus in Græciam transtulit, de Cometis nihil dicit*: Sed & Conon postea, *diligens & ipse inquisitor, nullam eorum mentionem fecit*. Undè apparet, ut ait Seneca, *ne apud Ægyptios quidem, quibus major Cæli cura fuit, hanc partem fuisse elaboratam*, l. 7. Q. Nat. cap. 3.

41. Antiquissimus observatus creditur in Græciâ *Anaxagora*, quem Alstedius primum recenset, in Chronolog. Cometar: Anno 2. Olymp. 78. (antè Christum 465.) quo flagrante, *in Thraciâ ad Ægos flumen, lapsus, magnitudine vehis, ex aëre decidit, in præcipuos àpbeis à flatu vehementi sufflatus*, ut ait Aristoteles 1. Meteor. cap. 7. quam è sole lapsum credidit Anaxagoras, Plinius 2. cap. 58. *Charimander, qui de Cometis scripsit, grande insolitumq; lumen fuisse, ait, magnitudine amplè trabis, & id per multos dies fulsisse*, Seneca. l. cit. cap. 5.

Siccam tūm hyemem fuisse, magnosq; fluctus, ventis Boreā & Austro, inter se confligentibus, Aristot. l. cit. Eodem anno *Hieronem* Syracusis, & biennio post *Xerxen*, Græciæ terrorem, obiisse, observat Petavius ex Diodoro & Justino. His ergo *funebri* fuisse videatur; *latius* verò Syracusanis, qui Thrasibulo Hieronis fratre pulso recuperatāq; libertate, deinceps annos 60. in summā tranquillitate vixerunt: Sed & Judæis salutaris, sub benigno Rege Artaxerxe Longimano, Esdræ cap. 7. & Nehem. 2. &c. *Damachus de Religione durasse* scribit diebus LXXV. *agitatumq; fuisse variis & q. fractis motibus*, ex quā jactatione varia, hinc inde avulsa à se invicem, fragmenta, *stellarum saltantium speciem retulerint*: dubitat de ejus fide Plutarchus in Lyfandro: hoc tamen ostento *cladem Arheniensium*, urbisq; expugnationem & murorum demolitionem, præsignificata innuit. Accidit annis, post Cometam, præter propter, 64. cū jam eo exoriente, bellorum incēdia gliscerent.

42. Post hunc famosus est, qui anteo pugnam *Leuctricam* biennio fulgit. Fuisse *effigiem ignis longi*, Callisthenes tradit, in quo multa digna notatu, maxime illud, quod *simul ac fulsit, statim, super Burin & Helicem*, urbes Achajæ in sinu Corinthio, mare fuit; nam terræ motu & fluctibus absorptæ sunt: quarum in alto vestigia apparent, Plin. 2. cap. 92. Seneca l. c. cap. 5. Strabo l. 8. In *Leuctricā* pugna cecidit *Cleombrotus* Spartanorum R. septenniō post in Mantineensi, Dux Thebanorum, victor Epami-

Epaminondas. Sequuta varia bella, Græciæ exitio-
sa: *Sociale* inprimis & *Sacrum*, donec in Macedo-
num dominationem incidit. Meminit hujus Come-
tæ Pausanias, in Achaïcis, sive l. 7. *Igne* longo flam-
marum tractu per Cælum discurrere: Siderum etiam
non antè conspecta forma magnum hominibus pavo-
rem incussere. Talibus enim miraculis, & prodigiis,
terra motum divinitus indicatum, sicq; DEUM vel-
le homines præmonere. Ephorus apud Senecam re-
fert l. c. cap. 16. hunc Cometam in duas stellas di-
cesisse: negat hic, auctoritatem detrahit: Sapè, in-
quit, decipitur, sapè decipit. Visus hic Cometæ an-
te Christum Anno 371.

43. Post mortem Demetrii Syria Regis, cujus De-
metrius & Antiochus liberi fuere, (qui obiit ferè
Anno M. 3798.) paullo ante Achaicum Bellum,
quod cœpit A. M. 3804., Cometæ effulsit non minor
Sole; primo igneus ac rubicundus orbis fuit, clarumq;
Lumen emittens, quanto vinceret noctem: Deinde
paullatim magnitudo ejus districta est, & evanuit
claritas, &c. Seneca l. cit. cap. 15. Exitialis hic fuit
fortè Carthagini & Corintho: quæ uno eodemq;
anno citato 3804. everte à Romanis: quibus his
victoriis viam muniebat Fatum & Monarchiam,
novumq; Solem parturiebat mundo. Addit eodem
loco Seneca: Attalo regnante, initio Cometæ appa-
ruit modicus; deinde sustulit se diffuditq;, & usq; in
æquinoctialem circulum venit: ita ut illam plagam
Cæli, cui Lactea nomen est, in immensum extentus
æquaret. Regnârunt autem Pergamæ tres Attalidæ

Reges, ex parvis initiis in maximas opes provecti;
quorum primus annis XLIII. alter XLIX. præfue-
runt: ultimus Philometor cognomine Populum
Romanum hæredem scripsit, Strabo l. 13.

44. E. Romanâ historiâ *Julius Obsequens*, ejusq;
restitutor *Lycosthenes*, de *Prodigiis*, plures Come-
tas, & cælo ardentes faces commemorant. A. Urbis
Cond. 607. antè Christum circiter 145. *Stella arsit*
per dies XXXII mox Carthago diruta. Hic aut idem
fuit, de quo modò num. 43. aut biennio præcessit.

Sic A. U. C. 710. antè Christum 42. postquàm
(*Octavius Cæsar Romam intrasset*) *Ludis Veneris*
Genitricis, horâ undecimâ, *stella crinita*, sub *Septen-*
trionis *fidere exorta*, *convertit omnium oculos*. Mox:
arbores radicitus, & pleraq; tecta eversa, *Fax cælo ad*
occidentem visa ferri. *Stella per dies septem insignis*
arsit. *Soles tres fulserunt*, tandem sole in unum circu-
lum redactò, multis mensibus languida *Lux* fuit.
Inter Cæsarem & Antonium bella civilia exorta.
Triumvirorum potestas, & in Octavium tandem
delata Monarchia, aliaq; horum temporum nota
sunt, &c. de quibus illa:

Non alias cælo ceciderunt plura sereno.
Fulgura, nec diri toties arsere Cometa:
Ergo inter sese paribus concurrere telis
Romanas acies iterum videre Philippi,
Virgilii l. Georg. Et Manilii l. extr. de Cometis:
Civiles etiã motus, cognatãq; bella
Significant: nec plura aliã incendia mundus
Sustinuit, quam quum Ducibus jurata cruentis
Arma Philipeos implerunt agmine campos.

45. Pertinet huc *Julium* illud *fidus*, omnibus ejus ætatis Poëtis celebratum : de quo *Virgilius*, *salutiferum* sed adulatoriè prædicans :

Ecce Dionai procedit Caesaris astrum ;

Astrum, quo segetes gauderent frugibus, &c.

Ecl. 9. *Suetonius* de *Julio Cæs.* cap. 88. *In DEorum numerum relatus est, &c. Siquidem Ludis, quos ei primò consecratos hæres Augustus edebat, stella crinita per septem continuos dies fulsit, exorients circa horam undecimam : creditumq; est animam esse Caesaris Cælo recepti, & hac de causâ simulacro ejus in vertice additur stella.* Hæc est de quâ modò dicebam ex Obsequente. Itaque *Cometes* in uno totius orbis loco colitur *Roma* in *Templo* ; admodum faustus *Divo Augusto* judicatus ab ipso : interiore gaudio, sibi illum natum, seq; in eo nasci interpretatus est : & si verum fatemur, salutæ id terris fuit, ita *Plinius* l. 2. cap. 25. ubi plura. Rectè uterque, & sapientiùs quàm vulgus, quod animam *Julii* in *astrum* hoc transiisse opinabatur. *Natum* fuit *Augusto*, *salutare Terris* ; tum propter conditum *Imperium Rom.*, cum propter mundo mox, natum *Salvatore*m. Sed & non paucis mortiferum, *Cassio*, *Bruto*, *Antonio*, *Lepido*, *Pompejo*, quiquiq; eorum partes secuti.

46. Obiter hinc nota, novam *Cometarum* significationem, ἀποθνήσκουσιν ; *Magnorum Virorum* à morte animas in *astra* recipi, & in *Cometas* converti : scil. ut paullò post evanescerent cum ipsis, & his morerentur. Ità *superstitio* quos colit violat. Hæc enim *stultitia* animis detrahit *Heròum*, quam

maximè optabant, immortalitatem. Bodinum in Theatro Naturæ l. 2. tam stultè sapuisse, ut putaret; *Illustrium virorum Mentes esse Cometas; tandemq; obituras, ut omnia orta, extremos hoc modo triumphos agere, ac propterea sequi famem, pestem, bella, &c.* miratur Vossius l. cit. 3. cap. 9. Et sunt in ejus Physicis multa ejus generis, non tam miranda, quam Christianis abominanda. Hoc tamen non ipse putat, sed *Theorum* opinantem inducit; Cui ipse *Mystagōgus* satis frigide regerit: de rebus tam arduis nil temerè esse affirmandum, pag. 222. Vulgata aliàs opinio fuit, *mentes hominum esse ex ignibus illis cœlestibus immortalibus*, aut ut Epicharmus Ennii, *ignem de Sole sumptum*, apud Varron, de Ling. Lat. l. 4. Ergò solutas vinculis corporeis, redire undè venerant, & in stellas converti: undè illud apud Aristophanem de Pace; *Verumne sit, quod vulgò perhibent, quod mortui evadant astra?* At magnis viris præcipuum in Cœlo locum, & magna sidera assignavit adulatio, ut apud Poëtas, Virgil. l. Georg. Valer. Flacc. & Lucan. aliosq;. Sed redeamus.

47. Sub Augusto quòque apparuit *stella Nati Salvatoris*: ejus meminisse Chalcidius in Timæum Platonis, *quod non morbos mortemq;, sed descensum DEI ad homines, &c. nunciavit, &c. fertur.* Sed de eâ Theologi copiosè: vide Spanhemi Dub. Evang. Stellam elementarem, sed motus supernaturalis compotem, DEIque ad Magos extraordinarium nuncium, fuisse, scire hîc sufficit. De eâ accipi posset, quod habet Plinius l. cit. *Fit & candidus Come-*
tu,

tes, argenteo crine, ita resurgens, ut vix contueri liceat, specieq; humanâ DEI effigiem in se ostendens. Et sanè eadem ferè de hac nostrâ veterum quidam; apparuisse in illâ effigiem pueri crucem gestantis, qui Magos & docuerit & in Judæam duxerit; sic Auctor Imperf. in Matth. Fabulæ auctores Sethiani antiquissimi hæretici: nec dubium ferè, tale aliquid Plinium, ut erat librorum helluo, alicubi legisse. Quo tempore orti fuerint Sethiani non liquet: Nicolaitarum progeniem fuisse veteres testantur, & potuit hoc commentum ipsis fuisse antiquius.

48. Sub exitum Claudii, veneno boletis infuso, hic *DEorum cibus* indè dictus, perempti, & dominante Nerone *assiduum* propè *assiduum* hoc terrificum sidus; *Inter prasagia mortis Claudii referebatur*, Sueton. & sub Nerone vulgi opinio erat; *mutationem Regis portendere*: igitur *quisnam*, depulso invisisimo Tyranno, deligeretur, nec tacitè, inquirebant, Tacit. XIV. qui lib. seq. ait; *hoc sidus semper sanguine illustri Neroni expiatum*. Quomodò? Narrat Suetonius: *Stella crinita, qua summis potestatibus exitum portendere vulgò putatur, per continuas noctes oriri cœperat; anxius eâre, ut ex Babilo Astrologo didicis; solere Reges talia ostenta cœde aliquâ illustri expiare, atq; à semet in capita procerum depellere, nobilissimo cuiq; exitum destinavis*. Ità diri & cruenti hi Cometæ multis, ipsisq; tandem Neroni; sed & Reip. Romanæ, meliore tamen exitu: & Judææ exitiosus inter hos, ille qui

quasi immobilis Metropoli superstabat anno integro, de quo dixi ex Josepho: nec minus Laodiceæ, Hierapoli, Colossis Aliz urbibus, quæ post semestrem Cometam terræ motu conciderunt. Mirandum igitur quomodo affirmârit Seneca; Cometam sub Nerone Cæsare apparuisse, qui Cometis infamiam detraxerit, l. cit. cap. 17. nisi quod & ille adulari didicisset. Idem cap. 28. *Fecit Cometes, qui Paterculo & Vepisco Coss. apparuit, qua ab Aristotele & Theophrasto sunt prædicta. Fuerunt enim maxima & continua tempestates ubique. At in Achajâ Macedoniaq; urbes terrarum motibus sunt prouta.*

49. Multos omitto sciens; addam alios per saturam; nam neque me, nec Lectorem detinere possum; magis tamen tantum memorabiles. Ammianus Marcellin. l. 25. antè Joviani obitum, *per continuos dies, inquit, velut offenso Numine, multa viscebantur & dira: quorum eventus fore luctuosos, gnarivorum prodigialium præcinebant.* Inter alia, *visa sunt interdum (quod & aliàs contigit) sidera Cometarum.* Aristoteles tradit & simul plures cerni: nemini compertum alteri, quod equidem sciam, ait Plinius 2. cap. 25. Sic tamen A. D. 729. mense Januario duo circa solem visi, unus Orientem præcedens, alter vespere Occidentem secutus: caudam in Aquilone in porrigebant. Duratio fuit duarum septimanarum. Pestis secuta in Orientè, quæ Constantinopoli 300000. homines absumpsisse dicitur: In Occidente Saraceni Gallias vastabant, Luitprandus Rex Romam obsidebat &c. Cent. Magd. VIII. cap. 13. & alii. 50. Re-

50. Rejicit Seneca auctoritatem Ephori, quod scripserit; Cometam in duas Stellas discesisse: *Quis enim*, inquit, *posset observare illud momentum, quo Cometes solutus, & in duas partes redactus est?* l. 7. Q. Nat. cap. 16. At enim Dion. l. 54. antè mortem Agrippæ ea refert signa evenisse, *qua maximas calamitates præcurrere solent*; Nàm ut cætera non repetam; *Cometa*, inquit, *quùm multos dies urbi imminens conspectus esset. in faces abiit*. Negant certo loco sic impendèrè posse, ut cui minetur indicet: at quo tempore, sub Arcadio Imp., Gainas Gothorum Dux Constantinopolin cogitabat evertere, *Cometa apparuit, has insidias portendens, qui super Civitatem maximus apparebat, ad ipsam usque terram ferè pertinens, cui similem nunquam visum affirmabant*, Sozomenus, lib. 8. cap. 4. & Socrates lib. 6. cap. 6.

51. Quàm minus ille, *Britannico de quo Sigebertus A.D. 457. Sexto Imp. Martiani: cujus radio gladius igneus Draconi similis adhærebat: ex ore hujus duo procedebant radii, alter versùs Galliam, alter versùs Hiberniam: & hic in septem minores radios terminabatur*. Circa ea tempora Romani in Britannia à Scotis pressi, cùm frustra opem è Galliâ flagitassent, ad externa Anglo-Saxonum auxilia confugerunt: Hi occupatâ Insulâ septem in eâ regna condiderunt, Beda &c. Sed non minus mirus quem Nicetas Choniates, sub Alexio Comneno, depingit: *Diebus*, inquit, *illis Cometa in cælo conspectus est, qui gravisissimus clades, qua secuta sunt, portendit, ipsumq; adeò Andronicum, auctorem scilicet, expres-*
sit.

fit. Nam serpentem sinuosum representans, nunc per-
rigebatur, nunc in spiras se colligebat, nunc cum hor-
rore spectantium, quasi inferiores devoraturus, hu-
mani sanguinis avidus, vastum dictum aperiebat.
Sed cum non ultra diei illius reliquum, & secutam
noctem durasset, evanuit.

52. Anno Heralii XXIII. Terramotus factus
est in Palæstinâ, & apparuit signum, quod appella-
tur *Δοκίτης* *Docites* Cometa trabalis, contra meri-
diem, Arabum potentatum prænuncians: erat verò
Ξιφοειδής, ensiformis, & duravit diebus Triginta.
Proximo anno mortuus Abubeker, Muhamme-
dis successor, in suum locum abiit, eiq; Omar suc-
cessit, Theophanes & Paul. Diacon.

Anno Justiniani V. *Lampadias* Cometes, quod
radios sursum facis instar erigeret dictus, visus Con-
stantinopoli, seditionem, cædesq; , nam ad XL.
millia è populo cæsi, urbisq; incendium significa-
vit, Zonaras Annal. Tom. 3. Qui & non multò an-
tè sub Justino Pogoniam, sive *Barbarum*, radiis de-
orsum vergentibus conspectam refert. Tum Ana-
zarba urbs terra motu collapsa; *Pon-pejopolis*, me-
diâ parte, hiatu absorpta; *Edeffa*, Scirto fluvio, qui
eam perfluit, exundante submersa. Verum *αἱ*
ῥοαὶ, & satur jam sum historiarum. Alia exempla
fortè deinceps miscebo. Ex hac inductione col-
ligunt plerique; Cometæ potissimum iræ & vin-
dictæ esse nuncios, rarò aliquos salutes, nec sine
mixturâ malorum magnorum ullum. Idq; confir-
mant afferendo

Sapientum TESTIMONIA.

53. Ac 1. quidem hanc vulgò communem, & ab omnibus ferè Gentibus, non barbaris, receptam fuisse opinionem, sæpiùs audivimus jam. Quæ *Historicorum* sententia fuerit dictum. *Mortem* inprimis *regnantium*, ac Principum significâsse innum-eris locis testati sunt, ut Augusti, *Eutropius*; Clau-dii, aliorumq; *Xiphilinus*; Vespasianus, ut erat fa-cetus, conspectum, ad Regem Parthorum pertine-re, qui capillatus esset, jocus; mortis nuncium esse mox sensit, *Sueton. Xiphilin.* de Macrino, *Dio*: cui successit pestis Imperii Heliogabalus. A. D. 218. De Constantino M. Anno D. 337. *Eutropius* l. 10. *Denunciata mors ejus per crinitam stellam, quæ inu-sitate magnitudinis aliquamdiu fulsit*: de Joviano, *Amm. Marcell.* ut & Valentiniano, l. 30. nam die-bus antè paucissimis, *ruinas fortunarum indicantia celsarum, arsere crinita sidera Cometarum*. Biennio antè obitum Ludovici Pii Imp. A. D. 837. *ut Cal-vis, ex Aymon.* 3. April. *Cometa sidus, Dirum semper ac triste portentum, in signo Virginis apparuit, intra penulam ejus & caudam serpentis, Hydra, cor-vumq;* (eo ferè loco, ubi nuperus conspectus pri-mum,) qui cùm per XXV. dies, *Leonis, Cancri, Ge-minorumq;* signa pertransisset, in capite Tauri tan-dem defecit. Imperator tùm piè; dicenti ex Prophe-tâ, non esse metuendum à signis Cæli, *Jerem. 10. v. 2.* Non alium, inquit, timere debemus, præter illum qui nostri, hujusq; sideris Creator est: sed ejus clemen-tiam non satis mirari & laudare possumus, qui no-stram inertiam, cùm simus peccatores & impeniten-

tes, talibus indiciis dignatur admonere. Quia ergo & me & omnes communiter, hoc ostentum tangit, omnes pro posse & sapere, ad meliora festinemus: ne forte, misericordiam illo prorogante, & nostrâ impænitudine impediante, nos illâ inueniamur indigni, refert scriptor qui præsens adfuit, & repetit Vossius l. cit. Rege digna sententia, Pio nomine & re, & cùm omnibus, tùm Regibus inprimis, auscultanda, legè totam historiam. Neque plura in hac classe addo: nam & qui recentiora tempora attigerunt historici, eandem opinionem tenuerunt.

§ 4. Jam 2. Poëtarum Testimonia multa audiuimus. Homerus, ut apparet, hanc stellam crinitam, 4. Iliad.

ἢ ναύτης τέρας, ἢ στρατῷ εὐπέι λαόν

Vel nautis portētum, vel exercitui laetopopulorum appellavit. Imitatus manifestè Claudianus l. Rapt. Proserp. non illum nauis a turd, Non impunè vident Populi. Virgil. l. 1. Georg. Dirum sidus dixit. Silius l. Lethiferum micantem, & crine flammifero terrenam FERA Regna Cometen. Vitgilio item 10. Æn Cometa sanguinei lugubre rubent. Lucanus l. 1. crinemq; timendi sideris, & terris mutantem regna Cometam. Silius l. 4. Regnorum eversor rubuit lethale Cometes. Petrus Apollonius Collatius (de cuius ætate Scaliger in Hypercrit. Margarinus tamen annis abhinc ferè mille scripsisse putat) lib. 1. Excidii. Hierosolym. inter alia cæli minacis monstra, Igneum gladium descripsit, sanguineis sparsum maculis, crinesq; timendi sideris. Præfatus ista pia-pla cura Tonantis

Scili.

*Scilicet in magnis semper fuit ista ruinis,
Humanum monuisse genus : nec publica mundo
Pœna venit, cui non facies pronuncia cœli
Efficiat diversa fidem, &c.*

Huc inprimis faciunt Sibyllina Oracula, quorum apud eos, qui talia contemnere docent, aliâs magna est auctoritas, l. 3. ubi de Cometâ ;

*Stella relucebit, gladii mortalibus index
Et famis, & mortis, præclarorumq; Virorum,
Atque Ducum interitus, &c.*

Quod & Connimbr. allegant.

§5. At 3. de Philosophis supervacaneum est dicere : præter Epicurum cæteri ferè omnes veteres consentiunt, varia partim naturaliter, partim divinitus, mala portendere. De Aristotele & ejus asseclis notius est, quàm ut prolixè agendum sit, tædetq; omnibus obvia exscribere. Quare 4. ad Christianos Doctores veniamus, quos Patres salutamus. Hos inter Synesius de Calvitio totum hoc argumentum, secutus Aristotelem, absolvit. Ille hos *Φιλονόμης ἀσέπας* ait significare, *publicas calamitates, populorum ἀνδραποδισμὸς*, *Urbium eversiones, Regum interitus: nihil parvum, nihil mediocre*. Sic Iscanius, vulgò Cornelius Nepos, de Bello Trojano l. 2. *regna Cometa dispensant*. Damascenus de Orth. Fide l. 2. cap. 7. vocat *σημεῖα τινὰ θάνατον ἀπλοῦντα βασιλέων* signa quædam mortis Regum nuncia ; ac verè ait *Divino imperio suo tempore existere, & dissolvi, nec esse stellas*. Id visum fuisse quibusdam dictum est ; Aristoteli & Manilio, &c. *Eleetram*, unam Plejadum, quidam crediderunt, rarò conspicuam.

Diffu-

*Diffusamq; comas corni, crinisq; soluti
Monstrari effigie: diros hos fama Cometas
Commemorat, &c. Avienus in Phœnom.*

Sic Honorius sentisse videtur de Imag. Mundi cap. 137. *Cometa sunt stella crinita flammis, in Laetia Zonâ versûs Aquilonem apparentes, regni mutationem, aut pestilentiam, aut bella, ventos, aestus, vel siccitatem portendentes.*

56. Eusebius 3. Histor. Eccl. de prodigiis ante excidium Hierosol. *Mollire, inquit, mentis eorum duritiam nitebatur divina majestas, signis & prodigiis cœlitus datis, terroresq; & minacem dexteram ostendendo potius quàm inferendo. Sequitur narratio de Cometâ &c. Sic Egeſippus, quisquis fuit, l. 5. cap. 44. Si voluissent credere, evidentia imminentis signa excidii habebant: quibus veluti claris vocibus admonerantur, finem sibi affore. Nam per annum ferme, supra Templum ipsum Cometes, passim ignis & gladii quandam præferens similitudinem, denunciabat quoque ferro, & igni, gentis & regni, urbisq; ipsius vastitatem futuram. Quidenim similitudo gladii, nisi bellum? Quid ignis nisi incendium denunciaret? Putes ad id Manilii allusum l. 1. extr.*

*Quùm fera Ductorem rapuit Germania Varum,
Infecitq; Trium legionum sanguine campos;
Arserunt toto passim minis antia Mundo
Lumina, & ipsa tulit Bellum natura per ignes,
Opposuitq; suas Vires, finemq; minata est.*

57. Sanè Basilii, ubi negat Stellam Magorum fuisse Cometam, qui Regum mutationes & nova Imperia

peria portendere videatur; hoc non negat, homil.
de Hum. Christi Generat. Origenes, quem Euse-
bius, Augustinus, aliq; communiter secuti, *Signa*
cœlestia nihil quidem in satis efficere, significare tā-
men nonnihil affirmant, ex ejus hom. 2. in Genes.
Cometæ prodigiis jure annumerantur, quæ quo-
dammodo *contra naturam* fiunt: undè autem pro-
digia, nisi quod porro dicant, id est, futura prædicant?
Augustin. de Civ. DEI l. 21. cap. 8. Eorum motum
regi ab Angelis, exemplo Stellæ Magorum, ex eo-
dem de Mirabil. S. Scr. vel quicumque Auctor est,
ut & in Serm. de Temp. & Theophylacto in cap. 2.
Matth. & aliis, confirmari potest. Quà de causâ?
nisi quia DEI q. ad homines Lingux cœlestes sunt?
Illud omninò certum est, quod Johann. Saresber.
l. 2. Nug. Curial. cap. 13. habet: *Hoc divina mise-*
rationis est, quod signorum suorum indicio, ignoran-
tiam nostram quandoq; prænuntiat. Cometâ siquidem
apparente, inquit, creduntur imminere Comitia (alii
legunt *tonitrua*, rectius *exitia*) *An ignoras terris*
mutantem regna Cometem? Neque, putò, quis-
quam Ecclesiasticorum Doctòrum, antè hos ex
Epieuri Ludo, unquam negavit. Ipse Philostor-
gius l. 10. sect. 8. cùm descripsisset, *insolitum in cœ-*
lo Lumen κῶνυ χῆμα præferens, quod plusquam 17.
mensibus duravit, sub Theodosio Juniore, etsi
propter figuram inusitatam negarit fuisse Come-
tam; tamen testatus est fuisse σημεῖον πολέμων με-
γάλων, καὶ Φθορᾶς ἀνθρώπων & ῥήτης σύμβολον,
signum gravium bellorum, & indicium incredibilis
hominum interitum. Glycas Annal. p. 1. cùm præfa-

uis esset, id omnium confessione constare; nos de signis quibudam, id quod futurum est, quamvis obscurius, previdere & conjectare posse; Quid inquit, multis opus est? qui conspiciuntur in aëre Cometa, naturalis quidem ratione oriuntur; sed interim vel Regum, vel aliarum illustrium personarum interitus denunciant, quemadmodum Magnus ille, Cælestiumq; rerum interpretes Basilii, docet. Interdum astus, vel ventos subsequuturos indicant. Idq; miseratione divinâ ait evenire, ut signa nobis subministraret, de quibus futura prospicientes, hoc pacto securitati nostræ consulamus. Quod ita communis hominum sensus confirmat, ut ex paganis plerique crediderint, teste Manilio suprâ num. 35. Quamobrem, ut hanc alteram Quæstionem concludamus, audire decet

SACRÆ Scripturæ Oracula:

§ 8. Quod vulgò dicitur;

Prodigia sunt mali imminentis nuncia:

id S. Literæ passim confirmant, cum testimoniis quibus talia prædicuntur, tum exemplis quibus evenisse referuntur. Nam quod de Ægyptiis habet Herodotus: *Plura ab eis prodigia comperta sunt, quam à cæteris omnibus hominibus: nam cum prodigium extitit, scribunt id, observantes quomodo eveniret: & si quando postmodum huius simile extiterit, exemplo prioris putant eventurum:* hoc de Sacris Scriptoribus, Populoq; DEI, manifestum est affirmari posse. Quæ in Ægypto, ante Populi liberationem, edita sint, celebrat David Psalm. 78.

v. 12. 43. & 105. v. 27. Quæ antè Chaldaicam & Romanam Hierosolymo everfionem ; prædixit olim Joël, cap. 2. v. 10. & 30. neque pluribus nunc opus est. Ipse nos Dominus, si talia fiant, oculos aperire, diligenter attendere, & quæ prædicta sunt accurato studio expendere jussit, Matth. 24. v. 15. Luc. 21. v. 28. &c. Neque abs re est, quod talia dicantur **וָאוֹת** *Othot*, à *veniendo*, quod aliquid venturum significant ; sive quod *Literæ* q. sint. in Tabulis cœli depictæ, ex quibus futura legi queant ; & **מוֹפְתִים** *Mophsim* monstra, vel signa *evidenter* aliquid *demonstrantia* : & apud Chaldæos **זִמְנִין** *Zimnin* q. d. *citationes*, quibus vel Creaturæ ad pugnam cientur, vel homines ad DEI tribunal vocantur. Optandum erat, ut aliquis hanc materiam *de Prodigis & Signis* ex S. Literis, debitâ industriâ elaboratam, nobis explicaret.

59. Inter hæc sæpissimè **IGNIS** memoratur, & alia quæ ad hunc locum propriè spectant, *metéora*. Et quamvis Cometarum nulla nomine tenus fiat expressa mentio ; neq; illi ullum proprium habere nomen videantur in S. Literis ; (Chaldaicè & Thalmudicè dicitur hoc sidus, **זִקִּין** *Zakin*, à *Zakam* barbâ, q. *barbatum*) tamen sub nomine *Ignis* prodigiosi, & *stellarum* illos describi nil vetat, Judic. 5. v. 20. de Sisarâ dicitur : *De cœlo dimicatum est, contra eos : Stella, manentes in ordine & cursu suo, adversus Sisaram pugnaverunt.* Quonam modo ? **DEUS**, inquit PhiloBiblicus, *præcepit astris ; Descen-*

date, inquit, & incendite inimicos meos, ut sciant virtutem meam: & descenderunt astra, & expugnaverunt castra eorum. Si ut sonant verba accipias, fabula erit. Sidera in stationibus suis, velut exercitus in acie, steterunt: Sed, ministerio Angelorum Cometas & fulgura, ventorumq; procellas excitatas, ejaculari visa sunt; Indè Danicus Terror, & clades hostium, sic Abulensis & post alii Commun, sic Theodosio

-- *Militas aether, & conjurati veniunt ad classica venti.*

Nèque incredibile est; noctu, quā pugnatum fuit, repentè terrificum Cometam, qui gladium igneum, ex aëre in terram usque, demitteret, conspectum; quem procellæ & terræ motus comitarentur, ita in sedem olam, omnia quæ in cælo & terris sunt contra Sisaram pugnasse, dicitur.

60. De Chaldæorum exercitū Joël. 2. v. 3. *Ante faciem ejus ignis vorans, & post eum exurens flamma:* Quomodò ante? De igni qui Chaldæis in argenteis altaribus ante exercitum præferri solebat, non ineleganter interpretatur sanctius, vide Comment. meum in Joëlem, primitias meorum scriptorum, Anno 1640. Spiræ editum. At simplicius de *Cometâ* intelligemus, qui tū quoque visus fuerit, cū hæc Propheta nunciaret, ut ante ultimum Urbis excidium. Et hic potuit *siccitatis astusq;* ejus causa fuisse, quam cap. præced. v. 19. 20. deplo-
ravit. Sic postea cap. cit. 2. v. 30. inter Prodigia ultimæ everisionis recensetur *Ignis & Vapor fumi.* Nam ignis quo Judææ urbes, ipsaq; Regina Hierosolyma,

rosolyma, à Romanis incensa conflagrârunt; & cætera mala, non prodigia venientis ruinæ, sed ipsa fuerunt. Præcescit igitur in terrâ Sanguis per varias seditiones largiter effusus: in aëre Ignea meteora, & fumi; in cælo horrenda Solis & Luna deliquia. Quæ omnia à tempore Passionis Dominicæ, usque ad Urbis & Templi Hæcæsin evenerunt. Sed veniamus ad ejus prodigii significationem, quod hoc loco, quem sub manibus habemus, describit Jeremias.

61. Quid ergò *Virga vigilans*, cauda Cometæ? celerem imminere DEI vindictam. *Quia*, inquit *Dominus, ego vigilabo super verbo meo, festinabo, ut faciam illud.* Quid olla succensa, corpus Cometæ ollæ ardenti simile? modum vindictæ & instrumentum, locumq; undè ventura erat; scilicet ab *Aquilone*, à Chaldæis. *Nam ab Aquilone pandetur malum*, exitium per hanc ollam flammæ undique spargentem ostensum, *super omnes habitantes Terræ hujus.* Ipse *Eventus* postea per ὁποῦντος ita ob oculos ponitur, ut & *causâ* puniens *Principalis*, DEUS; & *ministerialis*, populi Regnorum Aquilonis; & *Objectum* pœnæ, Hierosolyma, cæteræq; urbes Judææ; & *causâ* promerens, justitiam divinam provocans; apostasia à DEO & idololatria; & denique *finis*, gloria Divinæ Justitiæ, disertis Verbis exponantur. *Primò* itaque *DEUS* pœnam minatur: deinde τὸν τρόπον modum indicat, ut habet Chrysostomus. *Virga DEI* vigilat, cuncta Populi peccata considerans, ut percutiat & corripiat delinquentes. *Ad hoc enim Dominus corripit ut emendet.*

Quibusdam gradibus peccantibus tormenta tribu-
untur, ut paulatim veniant ad salutem. Qui nolue-
runt percutiente Virgâ emendari, mittuntur in ollam
ancam atq. succensam. Sancti autem non sunt habi-
tatores terra, sed advena & peregrini, hæc ex Hie-
ronymo. Hæc enim maxima DEI medicina est, ser-
vare agrotantem terrere, ad sanam mentem induce-
re, per visionem ipsam, per ocularem intuitum, redu-
cere, & abstrahere, locumq. ac tempus dare ad pœni-
tentiam. Quâ de causâ aliquantisper adhuc mora-
tur, idq. molitur, ut fidem adhibeant diâ tñs opus,
mentem ipsum concutiens, vivamq. & spirantem o-
rationem exhibens, Chrysostomus.

62. Ex his tandem omnibus conficitur

Conclusio 1. Cometas non tantum esse signa Phy-
sica, Mundi q. ægrotantis, & ut sic dicam febris ar-
denti, quam οὐρανὸν S. scriptura, Medici ναύσωτα
appellant, laborantis: cujus symptomata sint, quæ
Cometis accidunt & eos sequi solent; venti, tem-
pestates, æstus, siccitas, terræ sterilitas, aëris intem-
peries, morbiq. & mortes, de quibus Connimbr.
ex Arist. Ex quibus ἀπόγνωσις de ipsâ Mundi q. æ-
gritudine & causis institui possit: nam juxta Aratū,

Crimina existunt multa squallentibus annis.

In Phæn. Itâ inter alia Manilius l. 1. circa finem:

Funera cum facibus veniunt, terrisq. minantur

Ardentes sine fine rogos, quàm Mundus & ipsa

Ægrotet natura, novum sortita sepulchrum.

Ubi tamen nota 1. Talia sequi inprimis Cometas
aërios, qui quò nos propius tangunt, eò magis
feriunt; æthereos verò, per Consensum & Sympa-
thiam

*thiam mundi superioris, cum inferiore, ut rectè statu-
tuebat Nuperus Auctor Viennensis, non minùs
afficere terrena corpora, sed occultius & subtilius:
2. Non sequi autem semper, nisi & causæ particu-
lares ac propiores concurrant. 3. Sæpè effectum
itaque suspendi, vel ab his, vel à primâ causâ. 4.
Tandem tamen Mundo esse salutare; ut ex mor-
bis debellatis oritur constantior sanitas. Sic enim
DEUS magna hac corpora curat, ut inaequalitatem re-
vocet ad coaurationem, &c. Per omnem enim natu-
ram comitat, rumpendo, continnando, solvendo, jun-
gendo, fundendo: Aridum liquefacit & solvit, gutta
evaporat, laxatum aërem condensat, continenter su-
perna submovet, & inferiora stabilis: Hac est Mundi
agrotantis curatio! ut piè vereq; Heraclitus in Epist.
ad Amphidamantem: verum etiam, quæ est*

63. Conclusio 2. esse frequenter Signa Hy-
perphysica, à DEO creata & assumpta, ad significan-
das eas calamitates, quas homines suo sibi q. jumē-
to, suâq; culpâ, accersunt. Hac ratione Imperiorum
portendunt Mutationes; eaq; quæ vel præcedunt
eas, vel sequuntur: qualia sunt; Regnantium mor-
tes, bella, everfiones urbium, vastitas regionum,
& id genus. Sic ergò multis funerea faeces sunt, aliis
tamen salutare; DEI electis semper: his enim fiunt
signa Theologica, & ἑμψυχος λόγοι, ut dicam cum
Chrysostomo, viva commonitiones, de Mundo, de
Angelis, de Microcosmo, inprimis de Tempera-
mento Misericordiæ & Justitiæ Divinæ. Quæ
omnia ex dictis adeò sunt manifesta, ut neque qui
Epicurum defendunt, audeant negare. Hoc

scilicet *Anima Testimonium est. Neque DEUS. neque natura mentitur: ut & natura & DEO credas, crede Anima, ait Tertullian. de Testim. Animæ cap. ult.*

64. Sit itaque immotum, Cometas *Ira Divina* nuncios esse, sed & *Clementia*: Timendos iis, qui non timent DEUM. *Quia non metuendi*

Causa, Timere DEUM: quem quisquis non timet unum,

Omnia jure timet, ut S. Paulinus cecinit;

Quod non semper eveniant, quæ minantur; indè est, quia *mina* plerumq; sunt eventuum, *non causa*. Arbitraria signa sunt DEI, terrere sæpiùs volentis, quàm ferire, Jerem. 18. v. 7. 8. 9. Amos. 9. v. 8. 9. 10. Quod ajunt, *non consistere, neque uni loco impendè*; utrumque aliter esse docuimus: nam & quidam immobiles sunt, & super certa loca fixi: cum verò altiùs evchuntur, supra plurium Populorum vertices, pluribus meritò metuendi. Deniq; *Optimates magis respiciunt, quàm plebejos*: quia major de illis cura est DEO. Et quamvis *unius corruptio, sit alterius generatio*; tamen vicissim unius generatio, alterius est corruptio. *Clades Turcarum sunt nostra victoria*: sed Turcarum victoriæ sunt nostræ clades. *Neutra pars, inquis, habet, quod cæliùs illas magis metuat, quàm hæc speret*: Verùm rectissimè subnectis; *si humana omnia sint paria*: ubi igitur non sunt, habet altera quod magis metuat, quàm quod speret. Et uti

Illicos intra muros peccatur, & extra;

Sic intra Ecclesiam & extra: gravius tamen intra, quàm

quàm extra: sæpiusq; irascitur DEUS suis, quàm extraneis: *Quia magna ira est: quando peccantibus non irascitur DEUS*, Hieronym. ad Castracium: *tunc enim magis irascitur DEUS, cum non irascitur*, Bernhardus serm. 42. in Cant. vide Amos. 3. v. 2. Luc. 12. v. 47. &c. Quamobrem superest, ut expediamus.

65. *Quæstionem Tertiam: An & undè cognosci possit, quid Cometa & quibus indicent?* Vehemens hic *Gassendus*, & acutus: verùm vehementia sine causâ est; fluctus movet in simpulo: *acumen nimis tenue*, quod de Chrysippéo dixit Seneca, *retunditur, & in se replicatur: pungit, non perforat*. Dices, inquit; *Cometas divinitus ad aliquid nobis significandum usurpari: Ac sanè id fieri posse non inficior*. Benè habet: & fieri & adeò posse fieri, verò & argumentis vicimus. Quid ergò? *sed interrim*, pergit, *undè nam constat id reipsâ fieri? an aliundè, quam ex Vanitate, quâ miseri turgescimus, dum digni nobis ipsis videmur, propter quos hac ostenta fiant?* Primum si ostenta sunt, quomodò nihil ostendunt? & cui, si non nobis? an potius brutis, in ventrem pronis? an Angelis, qui consilii divini conscii & administri, talis nostri causâ efficiunt ac moderantur? *Deinde an indigni nos, propter quos fiant? propter quos omnia & fiunt & facta sunt, quosq; DEUS in hoc q. Theatro posuit, ut spectatores simus rerum supernarum & cælestium, quarum spectaculum ad nullum aliud animantium genus pertinet*, ut Cicero rectè judicavit: denique quorum causâ ipse Mundus, & ut dicam quod ma-

ximum est, ipse DEUS Verbum Homo factus est. Quis unquam de Homine tam abjectè, quis æquè in DEUM ingratus sentit? nisi Epicurus, quem loquentem hinc mihi omninò videor audire. Undenàm, inquit, constat? diximus, undè: ex testimonio Naturæ, Experientiæ, Animæ, & DEI ipsius *Magistri magistrorum*, ut loquar cum Tertulliano. His immorari nimis longum est. Pergamus, & audiamus cætera.

66. *Quid enim? declaravitne Ter Maximus DEUS, fore, ut si quando Cometa in occasum tendat, caveamus ab externis; sin in ortum, à domesticis: An Princeps admonuit, ut caveant ab iis Cometis, qui matutinum occupant signum, factum ipsis horoscopus, aliasq; consimiles nugas? Rectè; nugas nugonibus istis maximis relinquamus; DEUS non nugatur: alia seria & cavenda declaravit, & admonuit, quæ mox dicentur: nàm indignos nos dignatus est alloqui & erudire: ut scias hominem non esse tumultuarium opus, neque temerè ex limo Epicuri calfacto, uterisq; nescio quibus, quos radicibus terra coherentes primum aiebat increvisse, membratos provenisse, apud Censorin. de Die Nat. cap. 4.*

67. *Quid porrò? Qui patienter, inquit, istos feramus, qui sic speciatim omnia definiunt, sic bellè sibi sapiunt, quasi, quod ille aiebat, Jupiter Opt. Max. admisisset ipsos in concilium DEorum. At enim verò nos neutros patienter feremus, nec ariolos istos curiosos, nec Epicurum contra Providentiam grunnientem. Quid tùm? annon obsequio patienti audiemus & feremus, qui, quantum opus no-*

bis est, & sufficit, talia ex Verbo DEI, & recta ratione definiunt, nec sibi sapiunt, sed DEO? Nam quid *Jupiter* ille, nec bonus, nec magnus, nedum Opt. Max. *Jumoni* sua in aurem dixeris, nauci facimus, ut & ipsum, cum toto concilio DEorum suorum. Quid multa? *Nemo* scilicet, inquit, satis attendit; quia neq. sibi cum *Seneca* satis id obicit: Ergo tu in tantis erroribus es, uti existimes, DEOS mortuum signa præmittere, & quicquam in terris esse tam magnum, quod perire mundus sisat. Obsecro Te, Christiane Lector!

Ut nemo in sese tentat descendere! nemo!

Et tu, ô bone, in tantis erroribus es, uti neges DEum mortuum signa præmittere, aut mortales variis modis suæ admonere fragilitatis? Mundus nihil scit; DEUS omnia; etiam capillos, capitis nostri, quos in numero so habet. Potestne magis esse error abominabilis, quàm negare hoc? ac statuere, DEO nesciente perire, non dico Principem, sed vel unicum ex infimâ plebe, hominem? quo nihil majus habet mûdus? Verbum nō amplius addo.

68. Hic si dixero & demonstravero; Unde cognoscere possimus, quid & quibus *Cometa* portentant? Causa perorata est. Faciam id breviter; nam in calce sumus. *In manibus terra.*

Undenam igitur? *Tria* invenio cognoscendi principia: 1. *Sophisticum* falsum & fallax; 2. *Topicum*, conjecturale & probabile; 3. *Apodicticum*, demonstrativum, & infallibile. De singulis pauca; nam totum hoc exhaurire, nec hujus loci est, nec meæ professionis.

69. *Sophistica Principia sunt, qualia vulgò Astrologi, ex vanis & superstitiosis paganorum lacunis, afferunt. Talia sunt quæ Plinius recitat l. 2. c. 25. Referre, inquit, arbitrantur, in quas partes sese jaculetur; de quo postea: aut cujus stella vires accipiat; quod æquè in abdito est: quasq; similitudines reddat, & quibus in locis emicet: V. gr. Tibiarum specie, Musica arti portendere: obscuris autem moribus, in verendis partibus signorum: ingenuis & eruditioni, si triquetram figuram, quod ratamve, paribus angulis, ad aliquos perennium stellarum situs edat: Venena fundere in capite Septentrionalis Austrinae serpentis. Horum quædam aded sunt germanæ geræ, ut vel Crasso risum queant extorquere: ut si quis dicat, acontiam minari sagittariis, Pogoniam barbatis, Xiphiam gladiatoribus, Ceratiam cornutis, Hippeum equitibus, Fishiten vel doliariis, vel crassis ventribus: sed pergo. Solet enim stultitia notam incurere, quisquis laborat stultissime dicta refellere, ut quidam dixit.*

70. Ad hanc classem refero, quæ ex Ptolemæi quadripartito opere & Centiloquio promuntur: Si Cometa, undecim signis à sole distantes, in cardinibus apparuerint, Rex aut Princeps morietur: Sin in loco succedente, benè habebunt se ejus thesauri, sed gubernatorem mutabit: at si in declinante, repentina mortes erunt: Si ab occasu moveatur in ortum externus hostis veniet: sin contra, domesticus. Martiales & Mercuriales, quos ex coloribus volunt agnoscere, illos flammeos & rubicundos; hos albos & c. bella, exilia, mortes portendunt: Mars enim discordias & cædes;

exdes; Mercurius dolos & fraudes significat. *Loca*, in quibus futura contingunt, ex locis signorum Zodiaci, & ex iis, quæ sunt in directo stellæ caudatæ, cognoscuntur; *Species eventuum*, ex formâ accidentis: duratio, tempus indicat: cum manè apparebit, mox eveniat; cum vespere, tardius. Sunt alia ejus generis plurima, quæ doctissimi quicquid, ut incertis, imò falsis, hypothesibus nixa, ridenda propinant. Neque nunc in Astrologos conjectores differendi locus est, & materiam hanc Summi Sanctissimi quicquid viri dudum occuparunt. *Artes has*, quas Ægyptii & Chaldæi, sed serò, ut ex Senecâ didicimus, pepererunt; Arabes inter mortuas præne ex Orco reduxerunt, Christiani quidam, si tamen, ornare studuerunt; damnatas DEI Verbo, & Ecclesiæ Catholicæ consensu, sæpè è Rebus publ. proscriptas; has, inquam, omnes artes, vel nugatoria, vel noxia superstitionis, ex quâdam pestifera societate hominum & Demonum, quasi pacta infidelis & dolose amicitia constituta, penitus repudiandas & fugiendas Christiano esse, rectè censuit S. Augustinus, quâ de re vide *Alex. de Angelis in Astrolog. Conjector. lib. 5.* & alibi passim.

71. Topica, quæ experientiâ & ratione probabili, cum S. Literis non pugnante, nituntur, opinionem efficiunt, cui tamen aliquandò falsum subesse potest. Talia sunt, quæ nobis *Propheta noster* suggerit, sumta 1. à colore, & figurâ: igneus ille, quem vidit, similis, quoad caudam, Virgæ, seu baculo, qualem Judices populi gestare solebant; quoad corpus, ollæ succensæ, vindictam DEI judicis, & ignem, id est Halósin, minabatur. Sic candidum salutarem ad propagandam fidem; sanguineum & rufum bella; nigrum & obscurum, famem; pallidum, mortes

mortes prænunciare, ex Apocal. cap. 6. v. 2. & seqq. conijcere licebit. De variis figuris & eventis exempla supra attulimus.

72. Deindè, 2. à *Mors*. Nàm celeritas proprii motus, celerem pœnam nuntiabat : eaq; mox post *Josia* Regis secuta est mortem, meritò justis threnis deploratam, 2. Paralipom. cap. 35. v. 25. Sic enim Divina Providentia Regum muratura, è medio tollit Principes, quorum incolumitate stat Salus publica, quiq; pietate ac justitiâ suâ propterantem vindictam possint remorari. Horum igitur obitum etiam à Cometis significari, nihil puto vetat : is enim pletunque calamitatum intentatarum principium est. Quod ad publicas preces nobis esse debet incitamentum, Jerem. 29. v. 7. Baruch. 1. v. 11. 12. 1. Tim. 2. v. 1. 2. 3. Adulator est Firmicus cùm scribit : *Solus Imperator Stellarum non subiacet cursibus, & solus est, in cujus fato stella non habent decernendi potestatem : Cùm enim sit totius orbis Dominus, fatum ejus DEI summi judicio gubernatur & quia totius orbis terreni spatium Imperatoris subiacet potestatibus, etiâ ipse in eorum DEorum numero constitutus est, quem ad faciendâ & conservandâ omnia dispositus statuit Principalis*, l. 2. cap. ult. Nàm ut de Fato stellarumq; potestate impiè proposuit : in *Manibus Domini omnes sunt sortes nostra* ! ità optimè de *Providentiâ speciali*, in summos rerum arbitros, subjunxit : Verùm contrarium potiùs inferre debuit : Quæ contra aut supra naturam in cœlo spectantur, tantò magis metuenda sunt summius, quàm infimatis ; quantò major de illis cura est Numinis, majorq; ex eorum interitu calamitas. *His statum omnia florent* ! Sic judicavit supra num. 53. Ludovicus Imperator Anno 837. verè Pius. Illud verò quod præfatus erat Firmicus ; *Non oportet, nec licet, ut de statu Reip. aliquid nefariâ curiositate dicamus ; sed & sceleratus atque omni animadversione dignus est, si quis interrogatus de Fato dixerit Imperatoris* : hoc inquam, in pagano Astrologo tantò magis laudandum est, quantò minùs ferenda nostrorum Calendariographorum temeritas, piis ompibus execrabilis.

73. Adhuc 3. *de terminis motus* : Nam ab Aquilone Tonienis noster Prophetæ, tendensq; Hierosolymam, undè & quo ventura esset pœna designabat. Sic qui certæ regionis, aut urbi impendent, quorum exempla vidimus, quibus minaces sint, ipsi demonstrant. Ità non abs re est, quod nostrum, (quem in *Hydrâ* primùm conspeximus, signo aqueo ; ex quâ ad *Tropicum Capricorni* delatus, reversusq; in *Eridano* & *Ceto* apparuit, undè in *Arietem* proventus nobis propiùs illuxit ;) docti quidam coniectant, *Aquaticus* & *Martinis* populis minari, à quibus bellum in *Europâ* conflatum, ad *Indos* fortassis profecturum, inde in *Europam* reversurum, non sine fundamento, metuendum videatur.

74. His addi potest 1. *duratio*, moram malotum ; & 2. *frequentia* talium, certitudinem ut sigillis obsignatam, innuens. Quid frequentes Cometae sub Nerone, & qui antè ac post Ludovici Pii obitum visi, denotâtint, ex historiis manifestum est. Qui ejus obitum præcesit, nostro huic nupero, valdè similis apparuit. Si de similibus simile ferri debeat judicium ; conferamus tempora, ejusq; Potentiæ, quæ sub Pio isto Imperatore cœpit, longisq; Ecclesiasticorum ac Politicorum collisionibus aucta, per octingentos annos huc usque progressa est, Periodum consideremus.

75. An ex asterismis, intra & extra Zodiacum, significatio peti possit ? minùs certum est. Celebres tamen Astrologi ferè conveniunt hodiè ; Loca illa Imaginum Symbolica, eò quod Intelligentia Cometae *Reatrix* non ignorârit, elegeritq; præ aliis ad cursum Cometae conficiendum, non vanè assumpta fuisse ; idq; ajunt, Symbolorum Interpretæ sibi alijsq; haud dubiè persuadebit ; Verba sunt Astrophili cujusdam, ex Judicio ejus de Cometâ Anni 1652. Colonix impresso. Certum est, hos asterismos nullas ad efficiendum vires habere. Si quæras quid significant ? Respondebo interitum, illud vetus ; Non liquet. Quàm antiqui sint isti asterismi ? qui primi Cælum hieroglyphicis imaginibus inscripserint ? quo fine ? quid singulæ signent ? negotium majoris curæ & altioris est indaginis. Nos ad exitum properamus ; Vide *Alex. de Angelis* l. 4. cap. 23.

76. Haftenus *Topica* & conjecturalia: superflue Apodictica & demonstrativa, quæ ex *Révelatione d'Œs* nã pendent; non quidem nunc *immediatã*; quam post S. literas nuspiã expectandam scimus, & si vel alicui obtingeret, an verè sit? nesciremus: quod alibi demonstratum satis est, in iudicio de *Novis Prophetis*, quod *Apocalypso Indict*, contra Anonymi *Classem reserata*, praxium extat: Ergo ex cã quæ per S. Scripturam Communis est omnibus fidelibus.

Scimus autem 1. *Magnis peccatis magna deberi supplicia*: 2. Quid DEUS hoc ipso loco Jeremiz, apostati & idololatris: non tam crassis illis extra Ecclesiam, quam & subtilioribus intra eam, comminatus sit? 3. *Gravius punire DEUM Populum suum*, quàm hostes, dùm in terris versamur, ut conversæ Electorum reliquæ olim salventur in Cœlis. 4. *Horrendas calamitates, horrendis à DEO indicari prodigiis*: 5. Nos propè à fine Mundi abesse, rempuq, in quod incidimus, *ultima cira*, & DEI, & pmissu ejus Diaboli, esse. Denique 6. quas pœnas, & quibus, ante novissimum Diem-quem nobis *Vatum prædicta priorum Terribili monitu horrificant*, Daniel in primis, & S. Johannes in Apocalypsi, omnium ferè Christianorum Interpretum consensu, prædixerint. Quæ si singula explicare cuperem, nova & longa mihi exordienda esset tela.

Anno Dom. 1106. *insolita stella in Austrum* & Occidentem lucere visa est: & per 25. dies eadem semper horè circa Vesperum splenduit. Non multò post Cometes longos & flammeos crines manè ducens apparuit. Elmerus Monachus Malmasburiensis, hoc conspecto, exclamasse dicitur apud Schedelium, citante Wolffio Cent. 12. pag. 346. *Venisti tandem, Genisti multis matribus lugendum malum! dudum est, quod te vidi: sed nunc multo terribiliorem te intueor, Patria hujus, Angliæ, excidium supremum minantem! Non & timeamus; nam justus semper timidus est: sed & speremus: parati ad quidvis ferendum dicamus;*

Salve flagellum DEI!


suspiremus;

VENI DOMINE JESU, VENI!

Amen.

2. 1065

14
99957110









ML

